

湯文正公史稿



潛菴先生擬明史稿卷之三

雅州湯

斌潛菴擬

同里田蘭芳簣山評

太祖本紀

九年春正月甲子以徐本爲陝西行省參政趙亨  
堅爲廣東行省參政左司郎中韓士原爲刑部尚  
書丙寅遣官祭功臣廟以余隆等百三十人耐甲  
戍以都督僉事謝成戶部尚書李泰等爲諸王相  
傅保定河間旱蠲田租二月己丑泰安州民得封  
禪玉簡十六來獻命仍瘞其所辛丑太白晝見五

潛菴先生史稿

本紀  
卷之三

一

日三月己卯詔曰邇者西征燉煌北討沙漠軍需  
甲仗皆資山陝外有轉運之艱內有秦晉二王宮  
殿之役民勞苦不休比勅戶部較儲蓄軍食可支  
三年夏秋二稅其悉蠲之河南福建江西浙江北  
平湖廣淮揚並蠲今年田租夏四月甲申李浩使  
琉球還其國王察度遣弟泰期從浩來朝謝恩貢  
方物日本入貢且謝罪以表詞不誠詔責問之己  
丑天下稅糧許銀鈔錢絹代輸丙申更置考功承  
勅司文三監己酉追贈死事功臣趙德勝等七人  
京師自去年八月不雨至是月庚戌始雨五月甲



寅安南入貢乙卯禁秦蜀軍民入西番互市工匠  
作宮殿死者給櫬槨賜鈔歸葬復其家三年自四  
月庚戌雨至是月癸酉始霽己卯朶甘烏思藏灌  
頂國師入貢六月丁亥以宋濂爲翰林學士承旨  
知制誥兼贊善甲子改行中書省爲承宣布政使  
司丙申以開封府知府王博爲戶部尚書己亥重  
建奉先殿成戊申岐甯衛經歷熊鼎還京道遇寇  
死賜祭葬立祠己酉罷各布政司寶泉局鼓鑄秋  
七月癸丑朔日有食之甲寅以韓士原爲江西布  
政使乙卯遣官祭功臣廟以何文輝等一百六人

潛菴先生史稿

本紀卷之三

二

附甲子立倒鈔法己巳以兵部侍郎李允爲本部  
尚書丁丑蠲蘇松嘉湖下田租三十萬石灤州昌  
黎五縣旱蠲租振恤是月湖廣山東大水八月乙  
酉以戶部侍郎周斌郎中僕斯爲本部尚書丙申  
親祀歷代帝王廟己亥覽邦入貢己酉遣官巡省  
歷代帝王陵寢禁百步內芻牧設守陵戶修其崩  
摧者定三年一遣官致祭仍飭有司葺境內忠臣  
烈士祠分遣國子生修嶽鎮海瀆祠以後遣官及  
有司致祭毋與京師春秋二祭同日著爲令是月  
西番朶兒只巴叛河州衛指揮使甯正討平之九



月甲子命凡邊衛拍揮之沒王事者按沒日遣官祭之丁卯高麗入貢己巳天壽聖節免朝賀勿奏事閏月庚寅以星變求直言癸巳定丞相以下各官品級罷中書省平章參知政事等官丙午海州學正曾秉正應詔陳言擢思文監丞冬十月己未太廟成自是四時之祭皆合享丙子命秦晉燕吳楚齊六王練兵中都十一月戊子徙山西真定民於鳳陽屯田庚寅旌斬水縣民王壽七世同居西域獻良馬戊申靖江王守謙就國十二月庚戌頒建言式禁繁文戊午以浙江參政商暲北平參政

潛菴先生史稿

本紀卷之三

三

唐俊爲刑部尚書江西參政李敏爲工部尚書乙未定諸司官以九年考滿庚申以中書郎中王敏爲吏部尚書甲戌貴州蠻犵狁叛指揮顧成討平之放元故臣蔡子英歸塞北命都督同知沐英詣關陝問民疾苦是年革湖廣漢陽桂陽二府天下州陞爲府者二府改爲州者十八州改爲縣者十二畿內及浙江湖廣水北平保定江西饒州旱振恤有差

十年春正月庚戌以李允爲禮部尚書陳銘爲兵部尚書秦中爲刑部尚書乙酉翰林學士承旨宋



濂致仕已亥罷將作司甲辰論中書省元末銓注  
淹滯選人久守乏資則餬口醫卜使賢者喪所守  
自今以品爲差給舟車路費著爲令丁未罷思文  
監琉球入貢是月安南陳端攻占城戰死高麗爲  
故王王顥請謚號以被弑不許蘇松嘉湖水戶賜  
鈔一錠二月乙卯以唐俊爲福建布政司參政丁  
巳貶李允爲太僕寺丞陳銘爲兵部郎中甲子振  
蘇松嘉湖饑戶米一石凡十三萬一千二百餘戶  
丁卯詔免見任官徭役已巳遣御史吉昌等十三  
人分巡天下壬申以北平按察僉事呂本爲禮部

潛菴先生史稿

本紀  
卷之三

四

尚書三月乙未免故官家徭役三年仍選用其子  
孫夏四月己酉命衛國公鄧愈爲征西將軍都督  
同知沐英爲副討土番是月太平甯國長沙宜興  
錢塘水振之五月戊寅覈戶糧州改爲縣者十二  
縣併者六十丙戌高麗入貢卻之戊子以周斌爲  
刑部尚書呂本爲兩浙都轉運鹽使李敏爲福建  
都轉運鹽使貶秦中商暲爲刑部郎中丁酉以僕  
斯爲山西布政司參政沈立本爲戶部尚書庚子  
命韓國公李善長曹國公李文忠同議軍國重事  
癸卯湖廣水戶賜鈔一錠鄧愈敗吐蕃追至崑崙



山大捷而還丙午錢鈔兼行戶部王事趙乾坐振  
饑遲緩誅是月指揮鄭遇春敗番寇於涼州六月  
丁巳諭臣民言事者實封直達罷磨勘司丙寅詔  
政事無大小先啟皇太子裁決後奏聞命李善長  
等分祀嶽鎮海瀆秋七月甲申置通政使司以周  
斌爲陝西布政司參政尹性爲刑部尙書遣監察  
御史巡按州縣占城淡巴入貢八月庚戌建大祀  
殿於南郊合祀天地改建社稷壇丁巳三佛齊國  
王恒麻沙那阿者卒其子麻那者巫里遣使入貢  
請印綬是月平涼隕霜殺禾稼九月丙子蠲浙西

潛菴先生史稿

本紀  
卷之三

五

遭水田租庚辰諸王還自中都乙酉暹羅斛遣子  
入貢遣禮部員外郎王恒等賜以印綬丙申振浙  
東遭水州縣辛丑以胡惟庸爲左丞相汪廣洋爲  
右丞相陳甯爲左御史大夫丁丑爲右御史大夫  
冬十月丙午社稷壇成行奉安禮以仁祖配乙卯  
熒惑犯輿鬼勅大臣修德禳災復詔河州守將嚴  
備不虞振北平流民及永平遭水災者戊午封沐  
英爲西平侯辛酉賜百官公田甲戌遣使立麻那  
者巫里爲三佛齊國王新宮成諭侍臣曰朕凡有  
興作量度再三未嘗過度皇后在宮中亦能以儉



率下躬服浣濯皆非矯也實恐暴殄天物傷民財  
諸臣祿入有制宜體朕心崇節儉省浮費十一月  
丁丑赦杖罪以下壬午罷四川茶鹽運司癸未瓜  
哇入貢衛國公鄧愈薨丁亥冬至合祀天地於奉  
天殿是月蠲河南陝西廣東湖廣今年田租周德  
興有罪下獄特宥之四川土司董貼里叛命御史  
大夫丁玉爲平羌將軍討之十二月乙巳朔日有  
食之諭政事啟東宮者大臣更參酌可否然後奏  
聞錄功臣死事及病卒者子孫五百餘人授指揮  
千戶有差辛亥真臘入貢戊辰丁玉至威州董貼  
里降是歲高麗五入貢皆卻之遣使責問

潛菴先生史稿

本紀  
卷之二

六

十一年春正月甲戌冊封皇子椿爲蜀土柏湘王  
桂豫王樸漢王植衛王改封吳王櫛爲周王巳卯  
進封湯和爲信國公是月安南國陳端卒其弟煒  
來告哀遣使往弔二月戊午浚滹沱河癸亥命皇  
太子祀皇陵東平侯韓政卒辛未蠲雷州斥鹵田  
租是月指揮胡淵平茂州蠻三月癸酉暹羅斛入  
貢丁丑詔分考績官爲三等稱職無過者賜坐宴  
有過者立寘不稱職者立於門外壬午秦王棣晉  
王桐就國禁奏事先白中書省丁亥命庶官有才



能居下位者毋限資格夏四月己酉閹婆入貢貶張籌爲員外郎以禮部侍郎朱夢炎爲本部尙書兵部郎中陳銘爲吏部尙書丁卯沈立本免以戶部侍郎費震兵部侍郎李煥文並爲本部尙書是月元嗣君愛猷識理達臘殂遣使三祭之五月癸酉詔纂春秋本末丙子定天下歲造軍器之數高麗琉球入貢丁酉蠲蘇松嘉湖漕租六十五萬有奇戊戌平陽廣平旱蠲租振之六月己酉以李煥文爲吏部尙書貶陳銘爲都督府掌判官己巳五開洞蠻吳面兒叛殺指揮僉事過興命辰州衛指

潛菴先生史稿

本紀  
卷之三

七

揮使楊仲名爲總兵官討之秋七月丁丑山西猗氏等縣饑陝西同華二州旱蠲租振之丁酉禁謫戍人上封事己亥詔諭元丞相驢兒八月乙卯平涼雨雹傷稼蠲田租壬戌烏思藏入貢丁卯蘇州等府遭海患振之己巳以工部侍郎朱瑛爲本部尙書蠲應天等府廣德等州秋稅詔諭元將納哈出九月丙申追封劉繼祖爲義惠侯冬十月丙辰河決蘭陽蠲田租辛酉占城入貢是月大祀殿成十一月庚午五開叛蠻平命西平侯沐英爲征西將軍帥師討西番戊寅封印河溢平涼蝗並蠲田



租蘇州知府李亨喪母聞其廉謹賜米鈔勅獎之  
十二月己亥蠲蘇松嘉湖五府魚課癸卯以刑部  
侍郎沈立本爲本部尙書丁未溘亨百花暹羅斛  
三國入貢甲寅衍聖公孔希學致仕翰林學士承  
旨宋濂來朝賜勅勞之丙辰以李煥文爲四川布  
政司參政丁巳朶甘烏思藏灌頂國師入貢遣僧  
宗泐等使西域廣西布政使臧哲喪母賜米鈔自  
是凡官以父母喪去官家居者皆有賜詔諭元丞  
相哈刺章蠻子驢兒納哈出等遣高麗使臣還國  
賜勅諭之

潛菴先生史稿

本紀  
卷之三

八

十二年春正月辛未燕王周王楚王齊王自鳳陽  
來朝乙亥罷天下鹽運司批驗所三十有二己卯  
始合祀天地於南郊丁亥以陳煜爲吏部尙書有  
司任瘴厲地方者減一考乙未詔居官三年無過  
遭喪去者依品予半俸終制未及三年者予全俸  
三月著爲令丙申命國子生歸省賜衣鈔其父母  
祖父母伯叔父母人賜帛二匹是月沐英討洮州  
十八族叛番丁玉討松州叛番皆平之二月乙巳  
雨雪連旬勅賜天下窮民鈔京師戶加鹽十五斤  
至十斤有差三月戊辰以費震爲湖廣布政使戶



部侍郎顧禮爲本部尚書壬申以萊州府知府董俊爲兵部尚書明州府知府余文昇爲工部尚書夏四月甲辰眉縣民彭普貴作亂知縣顧師聖遇害命恤其家戊申以沈立本爲江西布政使乙丑詔致仕官四品以下者陞一等賜誥勅五月癸未蠲北平租稅閏月戊戌太白晝見丁未日本入貢六月壬申定皇太子與諸王通問及相見禮戊子詔國公年老者三日一朝己丑武昌陳州大水秋七月乙未遣官祭功臣廟以吳禎等百九十三人耐戊申何鎮南普等攜家來朝己未李文忠提督

潛菴先生史稿

本紀卷之三

九

大都督府事是月丁玉討眉縣賊平之八月戊寅詔元末案牘繁冗吏非積歲莫能通曉奸弊易生廷臣議簡明格式頒示諸司辛巳諭中書省人臣事君保全始終爲難自今致仕官復其家終身無所與鄉黨別席同爵序齒庶民以官禮見九月乙未以顧禮爲刑部尚書己亥沐英大破西番班師庚子顧禮卒癸卯以通政參議方鼎爲中書省參政張籌爲禮部尚書甲辰以丁玉爲左御史大夫浙江布政使安然爲右御史大夫重慶知府殷哲爲中書省參政戶部侍郎任彬爲本部尚書丁未



以常州知府張度爲吏部尚書己酉占城入貢中  
書省不以時奏勅責之癸亥秦王晉王來朝冬十  
月瓜哇暹羅斛入貢十一月甲午叙征西功仇成  
等侯者十二人庚子雷甲辰貶殷哲爲右通政甲  
寅濟甯侯顧時卒戊午以刑部員外郎呂宗藝爲  
本部尚書辛酉以殷哲爲中書省左丞左參議李  
素爲右丞兵部郎中趙本爲本部尚書是月都督  
僉事馬雲討大甯寇平之十二月甲申以丁玉爲  
大都督府左都督丁亥選僑寓京師有才能者授  
官餘占籍賜鈔有差壬辰詔舉卜筮官是月右丞  
潛菴先生史稿

本紀  
卷之三

十

相汪廣洋有罪貶海南賜死於道安南入貢高麗  
入貢卻之徵天下博學老成之士元吏部侍郎伯  
顏子中飲鴆死

十三年春正月癸巳高麗入貢不如約詔詰問之  
戊戌左丞相胡惟庸謀反及其黨御史大夫陳甯  
等伏誅己亥革中書省罷丞相歸其職於六部分  
大都督府爲五軍都督府庚子以山西參政俟斯  
爲吏部尚書河南按察使鄭九成爲禮部尚書應  
天府尹徐鐸爲戶部尚書錫之誥命癸卯布告天  
下乙巳御奉天門親除百官壬子遣官祭功臣廟



以顧時等二百八十人補丁巳以安然爲左御史  
中丞大都督府掌判官洪燾爲吏部尚書廣東衛  
百戶翁顯討山寇戰死二月壬戌詔郡縣舉聰明  
正直孝弟力田賢良方正文學之士及精通術數  
者以嘉興府知府薛祥爲工部尚書發丹符驗天  
下金穀之數壬申以俛斯爲禮部尚書命西平侯  
沐英討脫火赤於和林乙亥遣官祀漢蔣子文晉  
卞壺南唐劉仁瞻宋曹彬元福壽五廟丁丑以重  
定內外文武官歲給祿米俸鈔之制勒石三月壬  
辰減蘇松嘉湖四府重租十之二壬寅燕王棣就

潛菴先生史稿

本紀  
卷之三

十

國戊申更定六部官制庚戌琉球入貢壬子沐英  
兵渡流沙俘脫火赤等及其部曲以歸夏四月乙  
丑以禮部侍郎劉崧署吏部尚書賜京師民鈔以  
丁多寡爲差孤獨老疾者倍之甲申都督濮英俘  
元柳城王等及其部曲以歸戊子諭群臣曰天下  
非乏賢也謂臯夔益稷不復生方叔召虎不再出  
是薄天下之士也但世有升降才有差等耳人主  
能量才授職則無施不可其各舉所知以聞改封  
廖永安爲鄖國公胡美爲臨川侯五月辛卯湖廣  
置縣十一州陞府縣陞州者六甲午雷震謹身殿



詔曰問者幸輔非才肆奸亂政朕思創造艱難生民不易按法誅之昧於知人實朕之過上天垂戒朕甚懼焉可赦天下殊死以下免追逋軍蠲畿內今年田租放山西軍二萬四千戶爲民釋京師及臨濠屯田輸作者韓國公李善長理臺事己亥詔曰朕君臨天下十有三年倉廩府庫皆民所供而朕未有及民之惠何以慰天下之望其盡蠲天下今年田租復罷黜官情可原者壬寅都督濮英兵至赤斤站俘元嗣王亦憐真及其部曲以歸丁未賜京衛軍士征戰傷殘者鈔癸丑以戶部郎中范

潛菴先生史稿

本紀卷之二

七

敏署本部尚書丙辰免太常齋郎徭役勅召教授吳源儒士王本等至京署吏部尚書劉崧致仕罷御史臺及各道按察司日本入貢以無表卻之六月庚申蠲山西鹽課四川夏稅以布代絹癸亥安南入貢丙寅雷震奉天門避正殿省愆丁卯罷王府工役癸酉以太常寺少卿阮峻爲吏部尚書遣使勅召儒士李延齡等二十一入丁丑置諫院官戊寅詔軍民嫁娶喪祭之物皆勿稅己卯置行人司甲申置判祿司禮部尚書俛斯致仕暹羅舩入貢頒臣戒錄秋七月壬辰復京官家癸巳罷秘書



監甲午太白晝見庚子留高麗使周誼於京師遣其通事還禁高麗人擅入中國甲辰濮英兵至苦峪大捷倭寇東莞戊申遣使勅召儒士林克堅等十二人壬子李善長等表請賀天壽節章再上乃許丁巳以禮部侍郎李冕試本部尙書八月癸酉徵賢良方正楊遇春等至京遇春乞歸許之丙戌置應天府學賜天下學校師生廩餼九月甲午日本入貢卻之乙巳天壽節始御殿受朝賀宴羣臣於謹身殿占城貢馴象丙午置四輔官告太廟以王本杜佑龔敷爲春官杜敷趙民望吳源爲夏官

潛菴先生史稿

本紀卷之三

三

秋冬官缺以春夏官攝之是月安置宋濂於茂州冬十月辛酉遣使勅召儒士宋訥等教諭石璞等十三人勅吏部曰比遣使徧諭有司各舉才能以備任使而有司不體朕意往往以庸才克貢已勅所司按之以法其申諭有司加意詢訪務得真才壬戌罷諸王相傅置長史司高郵水蠲田租乙丑以徐鐸試湖廣右布政使己巳賜諫官衣癸酉汰天下巡檢非要地者三百五十四司甲戌雷電丁丑琉球貢臘瓜哇入貢己卯以李冕爲江西布政司試參政十一月癸巳擢教諭石璞爲戶部侍郎



甲午詔公侯及武臣子弟習樂舞供祀事乙未徐  
達還自北平丙午元平章完者不花與乃兒不花  
寇永平指揮劉廣戰死千戶王輅敗之擒完者不  
花以歸乃兒不花遁去癸丑定文官三考才能顯  
著者賜誥十二月天下郡縣所舉聰明正直孝弟  
力田賢良方正文學才幹之士至京者八百六十  
餘人各授布政使司參政參議等官有差遣使詔  
諭日本是歲天下州陞爲府者一縣陞爲州者六  
置州一置縣七十有三

十四年春正月戊子命魏國公徐達爲征虜大將

潛菴先生史稿

本紀  
卷之三

十四

軍信國公湯和爲左副將軍潁川侯傅友德爲右  
副將軍帥師討乃兒不花范敏免命新授官各舉  
所知定爲五等乙巳命吏部日引諸科賢才至端  
門四輔諫院官問難以觀其能辛亥罷造兵器癸  
丑詔公侯武臣子弟受業國子學丙辰詔求隱逸  
以禮部侍郎李叔正爲本部尙書命州縣定賦役  
冊刑官讞獄議定請旨送四輔官諫院給事中覈  
奏行之有疑則封駁著爲令二月丙寅楚王楨就  
國辛未以戶部侍郎徐輝試本部尙書丁丑申明  
鄉飲酒禮設各承宣布政使司左右布政使庚辰



數官田三月丙戌詔曰唐虞三代之君任賢使能  
民皆遠罪刑措不用享年永久朕夙夜究心未臻  
斯效意者委任非人致民陷於刑辟朕甚愍焉其  
大赦天下與民更始丁亥復置各道提刑按察司  
并分司庚寅詔徒流罪酌道里遠近務處以人衆  
可居之地以全其生辛丑頒五經四書於北方學  
校授宋國公馮勝將軍印節制河南夏四月丙辰  
改建國子學命國子生兼讀劉向說苑及律令已

未國子學司業劉嶽卒甲子諭刑部曰惡各人之

所恥一有蹉跌雖悔何及自今犯者宥復職書

潛菴先生史稿本紀卷之三 五

過於門改則除之不悛者論如律是月大將軍徐

達等至北黃河西平侯沐英略公主山大獲復置

磨勘司五月乙酉哈梅里阿老丁來貢馬遣招諭

吐蕃是月五溪蠻作亂江夏侯周德興討平之六

月丙辰選國子生得三十七人命博極群書以期

大用人賜羅綺巾靴安南入貢以其掠邊郡却之

勅自今安南入貢並勿納戊寅築海鹽縣海塘成

秋七月丁亥以刑部郎中胡植試本部尚書日本

入貢卻之己亥故元將校火里火直等七十二人

率遺民七百七十餘戶來歸將校各賜文綺居遺



民於北平月給米鈔壬子禁官民不得服无黃紫  
色八月乙丑南雄侯趙庸平陽春蠻寇獻捷命誅  
其魁餘宥之庚辰河決祥符命防護舊堤勿塞河  
勞民辛巳徐達等北征還九月壬午命穎川侯傅  
友德爲征南將軍永昌侯藍玉爲左副將軍西平  
侯沐英爲右副將軍帥師征雲南魏國公徐達鎮  
北平壬辰建滁陽王廟於滁州丁未以考功監令  
李澂爲兵部尚書是月四川水盡源通塔平散毛  
諸洞長官作亂江夏侯周德興等討平之冬十月  
壬子朔日有食之癸丑命法司錄囚翰林院給事  
潘菴先生史稿

本紀  
卷之三

六

中春坊正字司直郎會議平允後覆奏論決甲寅  
蠲京畿民田秋稅官田減半癸亥遣御史林愿等  
分道錄囚巳巳禁瀕海民私通外國陳州祥符水  
蠲田租壬申定考功法是月海陽縣民作亂趙庸  
討平之周王橐就國瓜哇入貢十一月丁亥以徐  
州直隸六部嘉興湖州二府改隸浙江壬辰覈天  
下廢寺田沒官巳亥復置大理寺及審刑司巳巳  
朶甘烏思藏入貢江陰侯吳良卒起復太常寺卿  
唐鐸爲兵部尚書巳酉禁有司煩學官知注本也以吏事是  
月福安縣民作亂延安侯唐勝宗討平之廣州海



寇曹真攻東莞諸縣南雄侯趙庸討平之十二月  
壬子以禮部郎中高信試本部尚書丁巳命翰林  
院春坊官考駁諸司章奏辛酉傅友德等克普定  
戊辰敗梁王兵於白石江遂下曲靖拔烏撒癸酉  
藍玉沐英下雲南梁王把匝剌瓦爾密奔於普甯  
自殺是月唐勝宗平溫處山寇東川烏蒙芒部諸  
蠻皆降

十五年春正月辛巳始用九奏樂章景川侯曹震  
定遠侯王弼下威楚路丙戌命侍講火原潔等編  
華裔譯語丁亥置貴州都指揮使司己丑滅大辟

潛菴先生史稿

本紀  
卷之三

七

囚庚寅蠲開封府逋稅乙未瓜哇入貢庚戌命天  
下朝覲官各舉所知一人二月壬子河南水勅駙  
馬都尉李祺振之癸丑置雲南都指揮使司甲寅  
置雲南布政使司改中慶路爲雲南府詔告天下  
壬戌琉球烏思藏入貢甲戌天鼓鳴祥符陳州水  
蠲田租以翰林典籍劉仲質爲禮部尚書閏月甲  
午賜雲南土酋冠帶誥勅任知州等官癸卯藍玉  
克大理遂取鶴慶車里平緬相繼降西南諸蠻平  
三月丙寅以吏部試侍郎李信工部試侍郎趙俊  
並爲本部尚書己巳賜雲南文武官祭服庚午河



決朝也夏四月甲申遷元梁王把匝剌瓦爾密及威順王子伯伯家屬於耽羅丙戌諭禮部曰天下郡縣廟學並建而報祀之禮止行京師實爲闕典其定釋奠禮儀頒天下學校每歲春秋二仲行事學田租入官者悉歸於學仍定府州縣學田爲三等丁亥太白晝見壬辰詔蠲直隸諸府浙江江西河南山東稅糧乙未改儀鑿司爲錦衣衛丙申更定左右春坊官制設司經局丙午西堡蠻寇普定指揮顧成敗之五月己未改建國子監成乙丑幸國子監行釋菜禮禮臣曰孔子雖聖人臣也宜一

潛菴先生史稿

本紀卷之三

聖人達議

七

奠再拜帝曰孔子明道德以教萬世豈可以職位論乃四拜御彛倫堂祭酒吳暉等以次進講帝曰中正之道無踰於儒卿等以孔子之道爲教使諸生咸趨於正則朝廷得人矣取尚書大禹臯陶謨洪範自爲講說賜宴翼日吳暉率學官生徒上表謝人賜衣二襲庚午頒學規於國子監癸酉擢賢良方正郭允道爲戶部尚書丙子廣平府吏王允道請開磁州鐵冶帝曰朕聞王者使天下無遺賢不聞無遺利今軍器不乏而民業已定若復設此必重擾之杖之流海南丁丑遣行人齎勅幣聘經



明行修之士見任教授等官職專教士毋遣諭廷

臣曰遼東早寒土曠人稀朕不欲置行省勞百姓

設衛戍之歲餉海上非得已也每聞一夫當有航

隱如此

仁心窮微幽

海之行家人號泣齋送乃有溺死者朕通夕不寐

其議屯田法六月戊寅詔國子監官年老者寒暑

雨雪免朝是月湖廣貴州各番酋洞蠻皆來朝貢

雲南志書成秋七月戊申太白晝見乙卯滎澤河

溢辛酉太白晝見旌真定孝婦劉氏遣中使賜衣

鈔復其家乙亥以助教開濟試刑部尚書傅友德

等大敗烏撒是月斬春侯康鐸宣德侯金朝興卒

潛菴先生史稿

本紀卷之二

九

於軍八月丁丑詔禮部設科取士三年一行爲定

制辛巳頒學校禁例十二勒卧碑於天下明倫堂

振嘉定饑乙酉禁私毀申明亭丙戌皇后崩壬寅

秦王晉王燕王周王楚王至京定徵聘秀才以七

科考試擢秀才曾泰爲戶部尚書乙巳營陽侯楊

璟卒五月丁未太白晝見己酉吏部以所徵儒士

鄭韜等三千七百餘人入見諭之曰卿等誠賢然

山林之中豈無如卿者其悉告朕於是儒士張甯

薦董倫等復遣使徵之賜韜等鈔人一錠尋各授

布政使等官癸亥置天下提刑按察分司以儒士



王存中等五百三十一人爲試僉事人按二縣諭  
曰吏弊莫甚於墨庸鄙次之廉問糾舉勿蹈因循  
甲子天壽節以皇后在殯不受朝賀庚午葬孝慈  
皇后於孝陵占城入貢是月雲南諸蠻復叛沐英  
討平之冬十月丙子置都察院設十二道監察御  
史壬午汝南侯梅思祖卒於雲南癸未詔天下來  
朝官各舉茂才一人戊子命按察司考察學官不  
通經術者送部別用其通經術能文章而滯下僚  
者以各聞癸巳諸王還國乙未齊王樽就國十一  
月癸丑冬至以皇后喪免慶賀賜京師官民國子

潛菴先生史稿

本紀  
卷之三

三

師生節錢戊午初置殿閣大學士以禮部尚書劉  
仲質爲華蓋殿大學士翰林學士宋訥爲文淵閣  
大學士檢討吳伯宗爲武英殿大學士典籍吳沈  
爲東閣大學士徵耆儒鮑恂余詮張長年至京賜  
坐顧問命爲文華殿大學士恂等以老疾辭歸王  
戊勅修國子監藏書壬申擢監察御史任昂爲禮  
部尚書癸酉福州衛請造戰船帝曰天下幸無事  
造戰船何爲甲戌以兵部尚書唐鐸爲諫議大夫  
都御史趙仁爲兵部尚書十二月乙亥封李新爲

崇山侯己丑築山海衛城辛卯賑北平屯卒庚子



命軍士建言所司印封遞聞辛丑停山東採鉛役十六年春正月乙巳朔以皇后喪御殿不舉樂琉球國中王察度山南王承察度並遣使入貢庚戌遣官祭戰歿指揮僉事雍桂卹其家有子犯法當死其父行財求免事覺御史奏並置法帝曰生死大故父子至親見死而救於情可恕其赦之因欽恤之意可拘論法司凡論決必再三詳讞覆奏後行毋重傷人

命王戌以文淵閣大學士宋訥爲國子監祭酒己巳暹羅斛入貢壬申命曹國公李文忠兼領國子監事陳敬爲吏部尚書二月戊寅旌樂城孝婦甄

潛菴先生史稿

本紀卷之二

三

氏門閭癸未旌登封孝子王中門閭己丑精誠錄成乙未命天下學校歲貢士於京師翰林考試不中者罰爲吏丁酉蠲鳳陽和州田租三月甲辰命西平侯沐英留鎮雲南丙寅諭戶部曰鳳陽臨淮朕故鄉皇陵在焉令世世復毋事壬申罷提刑按察分司定詐僞律夏四月己卯詔外國朝正且者俱於畿內會同入京無有先後甲申振蔚州饑乙未遣使齎勘合文冊賜暹羅占城真臘諸國己亥蠲甯國二十年逋租五月乙巳勅天下衛所以時訓練士卒至冬更番赴京較試庚申蠲畿內諸府



租稅甲子孝陵殿成六月癸酉命舉儒士吏員練  
達時務善詞命者戊子設左右都御史辛卯賜潞  
州民租秋七月壬子遣官祭媯皇陵於趙城壬戌  
禁力士校尉擅入官署庚午太白晝見四日八月  
壬申朔日有食之甲戌詔曰比者政事苟且上下  
相蒙闔郡連歲不聞有所激勸具云吏稱民安其  
令御史按察司巡行訪察之丁亥戒武臣請託有  
司乙未遣使頒賜占城暹羅斛真臘諸國九月甲  
辰詔曰頻歲豐稔民多貧困其咎安在豈徭役煩  
重吏因緣爲奸病吾民歟設不幸荒歉顧當何如

潛菴先生史稿

本紀  
卷之三

三

且農民最苦有司思所以振救之政令煩苛者罪  
不宥癸亥命申國公鄧鎮爲征南副將軍討龍泉  
山寇分遣給事中等官清理軍籍冬十月甲申蠲  
霸州東安魚課戊子詔京官試職一年考覈稱職  
者實授給誥勅不稱者黜之著爲令高麗入貢卻  
之乙未太白晝見四日安陸侯吳復卒於雲南干  
一月壬子詔文翁張詠附李冰祠卓茂黃霸陸遜  
陸抗陸凱李龍遷狄仁傑謝夷甫李黼李宗可各  
祀於其郡甲寅蠲鳳陽壽州今年田租十二月癸  
未江西參議胡昱請設衛禦盜帝曰民之爲盜由



無良吏撫綏所致豈兵少耶是知其末不知其本也甲午刑部尚書開濟有罪誅須文達那入貢

十七年春正月己亥琉球暹羅斛入貢乙巳故官有父母子女者月給米八斗無父母而子女幼者聽人收養月給米如之戊申旌山陰縣民徐允讓及妻潘氏孝節已酉以左僉都御史詹徽爲左都御史戶部右侍郎栗恕試本部尚書左叅軍劉達試刑部尚書右參軍麥至德試工部尚書丁巳詔免外國入貢者私稅壬戌湯和築附海諸城甲子起復左通政余煥試吏部尚書丙寅起用罷免官

潛菴先生史稿

本紀卷之三

三

通經術有才幹者二月己巳遣僧智光等使西天

尼八剌國庚午安南入貢三月戊戌頒科舉式曹

國公李文忠薨丁未征南將軍傅友德等班師還

庚戌擢磨勘司令俞綸試兵部尚書王子停造寶

鈔蠲常德遭水逋租甲子赦天下丙寅詔改建法

司於太平門外夏四月壬午論平雲南功進封傅

友德爲穎國公陳桓等侯者四人以入事考覈有

司著爲令癸未大賚征南將校是月天下歲貢及

外國酋長遣子入學者凡數千人學舍不能容增

築五百間於集賢門外五月甲寅恤海運溺死軍



士家丙寅涼州衛指揮使宋晟討西番叛酋至亦  
集乃路俘其國公平章以下及所部萬八千七百  
餘人收其壯士九百八十八人餘悉遣還以郭桓爲  
試戶部尚書擢祥符縣丞鄒俊爲大理寺卿諭遼  
東守將毋酋高麗使六月戊辰詔天下諸司來朝  
各書事功冊已巳城荊州置親王博士命禮部議  
王與博士相見禮戊寅高麗貢馬三千匹請以馬  
代貢金報可辛巳頒孔子廟樂器壬午蠲北平吉  
安龍泉今年田租己丑以粟恕爲福建布政司參  
政乙未睢州已河決秋七月戊戌勅內官毋與外

潛菴先生史稿

本紀  
卷之三

十四

事諸司不得與內官監文移往來丙戌州戶不及  
三千改爲縣者三十七己丑免河南等布政使司  
隱漏糧一萬八千餘石己亥以徐允恭署左軍都  
督府事丙午諭吏部郡縣薦舉多冒濫自今取賢  
由鄉舉里選己酉築後湖城癸丑命百官迎養父  
母者官給舟車甲寅遣助教楊盤等使安南征餉  
詔朝覲官舉屬官廉能及地方人才吏部錄舉王  
姓名秩滿考殿最視其黜陟乙卯詔郡縣賦役驗  
丁糧均貧富丙辰赦降卒編入京衛者爲民丁己  
蠲畿內各府今年田租之半戊午用監察御史唐



鐸言選練達通儒術吏事者任布政按察之職庚申以秋暑慮囚壬戌盱眙民僞造天書伏誅乙丑秦晉燕周楚齊六王來朝八月丙寅河決開封遣官塞之乙亥孝慈皇后祔廟丙子蠲開封遭水田租戊寅復以任昂爲禮部尚書己丑蠲天下逋租甲午蠲太原今年租九月己酉諸王還國甲寅權高麗國事王禡請襲封並請王顥謚號不許乙卯蠲西安今年租癸亥占城入貢冬十月丙寅冊李氏爲淑妃攝宮中事丁卯復遼東海運丙子河南北平水勅駙馬都尉李祺等六人分道振之丙戌

潛菴先生史稿

本紀卷之三

三

以左諭德趙瑁爲禮部尚書丁亥蠲大名遭水田租閏月庚子選儒士五十人爲各道試監察御史乙巳禁方面官侵郡縣之職癸丑命天下諸司刑獄皆屬刑部都察院詳議大理寺覆審後決辛酉建學遼東頒孔子廟祭器樂器壬戌蠲崑山遭水田租是月大明清類天文分野書成十一月丙子蠲廣東翁源縣租稅庚寅擢左審刑王惠迪爲刑部尚書十二月己亥諭侍臣曰孔子云十室之邑必有忠信今天下豈曰無賢者乎昔常何薦馬周

唐太宗嘉其能知人今若能致一馬周朕豈愛爵



賞天下誰副朕望者壬子蠲雲南三年田租是月  
楊盤使安南還其國遣使入貢改作功臣廟

十八年春正月癸亥高麗暹羅斛琉球入貢甲子  
擢太原府同知溫祥卿爲兵部尚書以山東左布  
政使徐鐸爲戶部尚書廣東左布政使徐本爲工  
部尚書貶郭栢爲戶部右侍郎麥至德爲工部左  
侍郎丁丑高麗貢馬五千匹黃金五百斤銀布皆  
五萬免其歲貢三年一朝如例己卯第天下民戶  
爲三等壬辰建徐王享堂於宿州故里是月東蘭  
州蠻韋富撓作亂廣西都指揮使司討平之二月

潛菴先生史稿

本紀  
卷之三

三

甲午雷電雨雹詔臣民極言得失己未魏國公徐  
達薨是月松州羌反成都衛指揮僉事成信討平  
之三月壬戌策試貢士賜丁顯等四百七十二人  
進士及第出身有差增造京官居舍內外官父母  
歿任所者有司舟車資送著爲令乙亥蠲畿內各  
府今年田租命進士觀政諸司在翰林院承勅監  
者稱庶吉士辛己罷考功監是月戶部右侍郎郭  
桓坐盜官糧誅以翰林院待詔朱善爲文淵閣大  
學士夏四月乙未五色雲見羣臣表賀不許勅靖  
甯侯葉昇城海蓋復三州丁酉吏部尚書余燾有



罪誅辛丑太白晝見二日壬寅命錄有司善惡於  
旌善申明二亭是月思州洞蠻作亂以湯和爲將  
軍從楚王討平之五月丙寅罷判祿司丙子蠲秦  
州遭水田租覽輿地圖侍臣言幅員之廣古所未  
有帝曰地廣則教化難周人衆則撫摩難徧此正  
當戒慎元之天下地非不廣也一失其道國祚隨  
滅可爲殷鑒是月應天荆黃常德大水六月癸巳  
貶溫祥卿爲刑部主事辛丑太白晝見六日戊申  
定外官三年一朝著爲令辛亥太白晝見秋七月  
乙丑丹徒知縣胡孟通丞郭伯高坐事當逮者民

晉菴先生史稿

本紀卷之二

三

此自善法在今日

諸闕請留賜酒慰勞之自是州縣當去官父老乞  
反滋弊實矣有治人而無治法良然

留者皆降勅獎勵賜衣幣復任丙寅命戶部以天  
下稅糧課程之數勒石辛未蠲陝西隱漏地租十  
二萬七千石甲戌遣國子學錄張溥行人段裕封

王禡爲高麗國王國子典簿周倬行人薛英頒詔

賜王顥謚甲申詔歲貢生員不中式提調官以貢

舉非其人論貢不如期以違制論丙戌命國子生

病者官給醫藥久病不痊者遣行人送歸經過所

司供藥物死者給棺斂仍歸其葬八月乙未詔邠

州立姜嫄公劉二廟丙午賜公侯鈔人一萬錠令



還鄉建第宅是月河南水發內帑鈔振之九月乙亥洞蠻吳面見寇古州戊寅太白經天與熒惑同度有客星入太微垣辛巳有客星犯右執法出端門乙酉太白晝見夜有客星入翼彗長丈餘丁亥以翰林檢討茹太素爲戶部尚書太白晝見犯熒惑夜有客星在軫宿西南彗掃翼宿戊子諭戶部曰先王之世男耕女蠶雖遇水旱無饑寒之憂自什一途開淫巧技作然後農桑道廢朕思足食在禁未作足衣在禁華靡其申諭天下四民各安其業毋得游食庶民毋得衣錦繡冬十月己丑頒御

潛菴先生史稿

本紀卷之三

天

製大誥賜湘潭魯蜀四王十七史蠲北平今年田租之半庚寅有客星犯軍門彗星掃天廟癸巳孟氏子孫以罪輸作帝曰大賢之後雖有罪亦當屈法宥之遂遣還因詔凡先賢子孫以罪輸作者並放免丙申太白晝見四日築觀星臺於雞鳴山以雨花臺爲回回觀星臺丁酉蠲廣東經亂逋租辛丑太白晝見四日乙巳湘王柏魯王檀就國蜀王椿居鳳陽乙卯以都察院右副都御史唐鐸爲刑部尚書湯和俘吳面兒以獻伏誅十一月蠲河南山東北平今年田租十二月庚寅潭王梓就國丁



西修都城丙午詔曰朕聞古者選用孝廉孝者忠厚愷悌廉者潔已好修如此則可以從政矣其今州縣有孝廉著聞者以禮遣之非其人勿舉戊申貶茹太素爲監察御史高麗入貢是月平緬宣慰使思倫發反都督馮誠討之敗績千戶王昇死之罷各布政司鐵冶

十九年春正月辛酉振應天北平大名遭水州縣庚辰湯和等平蠻還高麗琉球暹羅斛入貢二月丙申耕籍田癸丑振河南饑是月雲南臻洞西浦諸蠻叛穎國公傅友德討平之三月丁巳罷審刑

潛菴先生史稿

本紀卷之三

元

司辛未頒御製大誥續編罷中外文武官節錢俱賜宴辛巳復賜北方學校五經四書壬午吳江水蠲田租省躬錄成夏四月丁亥遣御史蔡新給事中宮俊視河南遭水民戶賑濟不及者補給之所粥子女官爲收贖揚州興化水免魚課乙未賜致仕都督瞿通王珪鈔令還鄉建第宅壬寅詔凡民游惰不事生產及舍匿他境遊民者徙之遠方五月丙辰以崇德知縣華輝丞齊搏剛正執法遣行人賚勅勞之戊辰新淦妖僧玉琳伏誅丁丑補振河南民二千餘戶六月甲辰詔有司存問高年其



八十以上貧者月給米五斗酒三斗肉五斤九十以上歲加帛一匹絮一斤應天鳳陽二府富民年八十以上賜爵里士九十以上賜爵社士與縣官均禮復其家孤子無田者歲給米六石廢疾者歲給米布如例士卒傷殘除其籍復徭役三年官軍陣歿其子世襲著爲令丁未青州旱鄭州蝗振之詔河南供億軍旅不休自今止徵原額稅糧荒田聽墾禁科擾者癸丑賜造賦役冊戶鈔是月麻哈苗蠻作亂傳友德討平之秋七月癸未詔舉經明行修練達時務之士年六十以上者置翰林院備

潛菴先生史稿

本紀卷之三

三

顧問六十以下者於六部布政按察司用之八月辛卯取畿內富民子弟補吏甲辰命皇太子修祖陵塋德祖以下帝后衣冠九月甲寅占城遣子賀天壽節庚申沐英奏雲南屯田紓民力足兵食詔可召傳友德還高麗入貢丙子雨絮癸未遣行人劉敏等頒賜真臘諸國冬十月庚寅太白晝見凡七日頒志戒錄十一月湖廣朝納峒蠻作亂指揮吳麟討平之辛酉日本入貢却之丁卯高麗請易冠服不許十二月癸未朔日有食之庚寅蠲泗州

陵戶徭役癸巳頒御製大誥三編禁外府衛所擅



遣將領慶賀親王廢職務者戊申安南入貢是月  
番寇作亂指揮馬燧敗之巨津州蠻叛千戶浦泉  
戰死吉安侯陸仲亨討之置大甯衛禦納哈出

涪菴先生史稿

本紀  
卷之三

三



睢州湯 斌潛菴擬

同里田蘭芳箕山評

太祖本紀

二十年春正月癸丑命宋國公馮勝爲大將軍頴國公傅友德爲左副將軍永昌侯藍玉爲右副將軍帥師二十萬討納哈出曹國公李景隆等繼之焚錦衣衛刑具二月壬午臨午門閱武甲申藍玉襲慶州辛卯琉球入貢乙未耕籍田宴羣臣於壇所甲辰御註尙書洪範成是月沿海置衛防倭三

潛菴先生史稿

本紀卷之四

一

月辛亥馮勝築大甯寬河會州富峪四城駐師大

甯癸酉高麗歸遠瀋流民四十五戶徙民成都關

燕田夏四月戊子罷磨勘司庚寅蠲山東北平河

南山西運餉大甯者今年夏稅禁番使以麻鐵出

境五月丙子安南入貢六月甲申詔吏民戍遠東

者力田講武不得更上封事癸巳以監察御史李

原名爲禮部試尙書戊戌太白經天庚子臨江侯

陳鏞從征納哈出與大將軍勝異道遇寇被害丁

未藍玉執納哈出降其衆勝班師還閏月庚申都

督濮英遇寇死之甲戌詔民間子弟講讀大誥秋



七月丁酉禮部請立武學設武舉科建昭烈武成  
王廟帝曰立武學專習韜鈴是分文武爲二也朕  
甚不取且太公齊侯而祀以王與周天子並不可  
其去王號從祀帝王廟王寅太白三辰晝見封何  
真爲東莞伯八月丁巳安南入貢庚申遣使頒印  
於真臘暹羅斛國癸亥建祖陵享殿癸酉馮勝械  
常茂至京九月戊寅封納哈出爲海西侯癸未置  
大寧都指揮使司庚寅蠲祖陵洒掃戶稅糧癸巳  
永城侯薛顯卒於軍乙未天壽節宴羣臣於奉天  
殿高麗安南占城真臘撒馬兒罕入貢丁酉安置

潛菴先生史稿

本紀  
卷之四

二

常茂於龍州丁未以藍玉爲大將軍唐勝宗郭英  
爲副北靖沙漠冬十月戊申封朱壽爲舳艫侯張  
赫爲航海侯建歷代忠臣廟成命應天府以四孟  
月及歲除致祭丁巳詔公侯駙馬等使非奉符不  
得乘傳丁卯頒禮儀定式丙子馮勝以罪召還就  
第鳳陽奉朝請十一月辛巳蠲延安山地稅壬午  
命普定侯陳桓等總制諸軍屯田雲南乙酉徵河  
南儒士岳宗原等九人授布政司官乙丑信國公  
湯和築甯海臨山諸衛五十九城防倭十二月丁  
未琉球入貢己巳振濟南東昌東平饑民凡六萬



三千八百餘戶庚午西天尼八刺朶甘烏思藏入貢王申遣刑部尚書唐鐸振登萊二府饑是月製大詔戒武臣

二十一年春正月辛巳思倫發入寇馬龍都督甯正討敗之王午復韶州唐臣張九齡宋臣余靖祠祀甲午遣使馳驛振山東饑仍逮治官吏之不以聞者丙申占城琉球入貢二月庚戌命官人流品以上非奏聞不得逮治甲寅詔以歷代名臣三十七人從祀帝王廟罷隋文帝祀庚申蠲貴州土司通稅遣使勘六番茶課仍聽民互易丙戌元四大

潛菴先生史稿

本紀卷之四

三

王來降命隨西平侯英戌雲南三月乙亥策試貢士賜任亨泰等九十七人進士及第出身有差巳卯東筦伯何真空乙酉增修南郊壇壝丙戌遣安慶侯仇成振山東饑庚寅安南遣使來朝巳亥遣進士行監察御史事分巡州縣以御史久任者與俱是月朶只生番寇潘州指揮周助討敗之西平侯英討思倫發平之夏四月壬子蘭陽縣民陳濟樵等年百歲賜里仁冠月給酒肉歲加帛絮南皮縣民李敬先等平遙縣民梁義等年九十八十各賜酒肉帛絮有差復其家詔縣官時存問遣行人



董紹戒諭占城國王阿荅阿者王成高麗請統屬

鐵嶺不許丙寅諭巡按御史官吏貪墨鬻法者逮  
問不得舉細事興大獄己巳太白晝見是月大將  
軍藍玉師至捕魚兒海脫古思帖木兒北遁獲其  
次子地保奴班師五月甲戌朔日有食之戊戌滅  
豐城縣官租辛丑雷震立武門六月癸卯雷震洪  
武門甲辰賜信國公湯和還鄉丁未以唐鐸爲兵  
部尚書甲子命賴國公傅友德爲征南將軍西平  
侯沐英爲左副將軍普定侯陳桓爲右副將軍景  
川侯曹震靖寧侯葉昇爲參將討東川蠻己巳徵

潛菴先生史稿

本紀  
卷之四

四

隱士謝天啟爲山西布政使司右參議辛未遣使  
祭雲南山川諭武臣存恤軍士秋七月癸酉追封  
濮英爲樂浪公戊寅遣使送地保奴於琉球安慶  
侯仇成卒甲申置北平行都司於大寧脫因帖木  
兒謀叛伏誅丙戌命武臣子弟習大誥己丑詔武  
臣年未六十致仕者支原官半俸甲午除徐州蕭  
沛等四縣夏稅丙申太白晝見辛丑海西侯納哈  
出卒占城入貢八月壬寅遷澤潞民於河北諸郡  
屯田賜鈔給復三年甲寅召致仕武臣任布政司  
官者悉還職乙卯命九卿各舉文學幹濟之士丙



長八百媳婦國入貢己未青州饑降匿災府州縣  
官十七人天鳴自壬戌至甲子三日夜不止丁卯  
大將軍藍玉北征還戊辰宴北征諸將於奉天殿  
帝賦詩三章羣臣皆和封孫恪爲全甯侯作八條  
勅戒武臣九月丙戌秦晉燕周楚齊湘魯潭九王  
來朝暹羅斛真臘貢馴象撒馬罕兒貢馬丁亥琉  
球賀天壽節壬辰諸王還國癸巳越州土酋阿資  
叛西平侯沐英穎國公傅友德討之冬十月癸卯  
電丁未更定屯田法庚申高麗國王王禡請遜位  
於其子昌乙丑頒武臣訓戒錄是月東川蠻平十  
潛菴先生史稿本紀卷之四

五

一月壬午頒武臣保身勅十二月壬子高麗入貢  
癸丑安南謝賜勅貢象詔三歲一朝象犀之屬毋  
進壬戌進封藍玉爲涼國公是年安南黎一元弑  
其王陳煒立叔明子曰焜主國事

二十二年春正月乙亥詔修中嶽廟壬午拓大甯  
會州富峪寬河城丙戌改大宗正院爲宗人府以  
秦王爲宗人令晉王左宗正燕王右宗正周王左  
宗人楚王右宗人庚寅署高麗國事王昌請入朝  
不許是月都督僉事聶緯等擊叛賊孛羅哥於鄜  
延平之二月壬寅賜耆民酒肉絮帛癸卯以刑部



右侍郎趙勉兵部左侍郎沈潛並爲本部尚書王  
戍禁武臣不得預民事癸亥浙江金鄉衛造軍器  
擾民平陽縣知縣張礎具聞帝嘉其稱職遣行人  
賈勅獎之賜以上尊綵幣丁卯以戶部左侍郎楊  
靖工部右侍郎秦達並爲本部尚書是月沐英傳  
友德大敗阿資於越州降之湖廣安福千戶夏得  
忠結九溪洞蠻作亂東川侯胡海普定侯陳桓靖  
甯侯葉昇討之昇執得忠以獻伏誅九溪平三月  
庚午命穎國公傅友德等公侯都督二十四人分  
駐川湖諸衛練兵控制諸蠻改給事中爲源土夏

潛菴先生史稿

本紀  
卷之四

六

四月己亥命杭湖溫台蘇松諸郡貧民就耕淮南  
官給農具復其家三年乙巳賜湖廣諸府貧民鈔  
庚戌振萊州兗州饑甲寅遷元降臣於耽羅丙寅  
置詹事院以兵部尚書唐鐸兼詹事遣御史按山  
東官匿災不以聞者五月辛卯置秦甯朵顏福餘  
三衛於兀良哈乙未唐鐸致仕僉都御史黃政從  
征雲南還次普安遇寇與其子琬皆力戰死是月  
都督何福平都勻叛蠻六月辛亥命舉孝廉茂才  
年四十以下者試行人司貢臘暹羅斛入貢是月

河南開封彰德旱蠲稅振貸秋七月丁卯賜百官



朝服錦綬八月丙申蠲江西徭役及荒田租癸卯  
署高麗國事王昌復請入朝不許乙卯詔天下府  
州縣各舉高年有德識時務者一人頒更定大明  
律九月丙寅朔日有食之戊辰廷臣有言比來儒  
士起田里擢用驟峻非所以重名器帝曰患不得  
賢耳若伊尹出有莘孔明起隆中豈謂驟哉振廣  
東饑冬十月丁巳西平侯沐英來朝宴於奉天門  
十一月巳卯赦思倫發罪麓川平命天下里選者  
碩隨有司入朝觀政三月遣歸乙酉安南入貢十  
二月丁酉蠲南海逋租甲辰周王橐棄其國貶居  
潘菴先生史稿本紀卷之四

雲南丁未都督僉事聶緯討把撒川叛番敗之庚  
戌魯王檀薨是年高麗占城暹羅解真臘並入貢  
蒙古也速迭兒弒其主脫古思帖木兒立坤帖木  
兒

二十三年春正月乙丑召周王橐於雲南長子有  
燉監國丙寅蜀王椿就國丁卯命晉王燕王帥師  
征元咬任及乃兒不花穎國公傅友德等皆受節

此諸王驕蹇之由

度甲戌信國公湯和來朝幸其第辛巳以韃韜指  
揮安童爲刑部尚書詔高麗人在遼東市易勿禁

乙酉東川侯胡海充總兵官討贛州山寇勅齊王



率兵聽燕王節制賈平蠻功庚寅河決歸德州是

月高麗請改立王瑤權國事報可二月丁酉祭酒

宋訥卒甲辰以刑部右侍郎凌漢署吏部事壬子

以隱士吳敦義李翰爲陝西布政使司左右參政

丙辰耕籍田六科給事中父兄來朝觀政人賜鈔

還告諭鄉里帥民爲善戊午沅陵縣王簿張傑有

罪以其母苦節宥之加祿終養庚申武臣子弟嗜

酒博奕不習武藝與民爭利者奪俸守邊癸亥藍

玉克散毛洞修歸德州鳳池河防三月壬申發山

東河南倉粟貸貧民丁亥太白晝見戊子默刺國

潛菴先生史稿本紀卷之四八

來朝癸巳燕王師次迤都咬任乃兒不花及忽哥

赤阿魯帖木兒皆降夏四月丙申潭王梓自焚庚

子置京師外城十五門閏月癸亥燕王遣使奏捷

賜鈔百萬安南入貢以非貢期遣還已巳以咬任

爲副都御史忽哥赤爲工部右侍郎乃兒不花阿

魯帖木兒等各授指揮使有差甲戌始停期服奔

喪之制丙子詔除滁陽諸監馬戶租官田減半永

爲例已卯免河泊所貢翎毛戊子賜宋國公十一

公侯鈔建先塋神道碑是月施南諸洞蠻黃田山

寇俱平五月癸巳以楊靖爲刑部尚書沈潛爲工



部尚書趙勉爲戶部尚書秦達爲兵部尚書俱賜  
誥詔自今京官三年皆遷調著爲令復以沈潛爲  
兵部尚書秦達爲工部尚書詔遣公侯還鄉六公  
十侯各賜黃金鈔幣有差乙未哈梅里入貢己酉  
播州貴州諸土司皆遣子入太學甲寅遣天下隨  
朝里老齋鈔七十九萬各就本地糴穀立倉備荒  
乙卯韓國公李善長有罪自殺吉安侯陸仲亨等  
賜死六月藍玉平都勻散毛諸洞蠻丁卯海門縣  
颶風海湧壞廬舍溺死居民無算遣官修築堤岸  
振之辛未賜公侯百戶鐵冊庚辰以左都御史詹

潛菴先生史稿

本紀  
卷之四

九

徽兼吏部尚書丙戌選耆民有才德知典故者四  
百五十二人授以官山東自閏四月不雨至是月  
戊子始雨秋七月壬辰河決開封癸巳崇明海溢  
並振之命蜀王覈征南將士功高者賜爵一級甲  
辰高麗遣使送元伯伯太子男六十奴等至京賜  
銀鈔有差八月甲子航海侯張赫卒丙寅河南北  
平山東水蠲振有差詔選舉毋用吏甲戌清理郵  
符九月庚寅朔日有食之壬寅封桑敬爲徽先伯  
冬十月贛州山寇平戊寅頒韻會定正己卯振湖  
廣遭水州縣甲申封張銓爲永定侯乙酉禁軍民



交通外番十一月壬子以都察院右副都御史茹  
瑞爲兵部試尚書癸丑選者民百六十七人爲府  
縣官十二月癸亥高麗貢玳瑁筆分賜翰林學士  
戊寅遣國子生十四人存恤山東流民是歲高麗  
占城真臘琉球暹羅斛西域西蕃諸國皆入貢選  
耆民授官千九百一十六人諭侍臣曰漢以爵賜  
民至二三級者聽民轉移與子甚無謂也夫爵以  
命有德濫及不肖賢者何勸焉

二十四年春正月癸巳發吳縣長洲常熟民三萬  
八千餘人修通州海岸乙未築上虞海堤庚子免

潛菴先生史稿

本紀  
卷之四

十

山東諸府魚課丙午振山東遭水州縣戊申命穎  
國公傅友德佩將軍印充總兵官定遠侯王弼武  
定侯郭英爲副赴北平備邊己酉賜耆民酒肉絮  
帛庚戌曲阜知縣以水災未報當逮帝曰先聖之  
後勿問振之振崇明饑修圩岸丙辰蠲山東諸府  
田租二月戊午西域哈梅里請以馬互市不許己  
未賜甘肅屯官農器穀種壬申耕籍田甲戌振徐  
沛饑己卯琉球入貢三月戊子朔日有食之遣魏  
國公徐輝祖曹國公李景隆涼國公藍玉等赴陝  
西防邊己丑市馬高麗乙未遣靖甯侯葉昇練兵



甘肅丁酉策試貢士賜許觀等三十一人進士及

第出身有差丙辰命齊王搏帥兵獵於開平至秋  
高入塞夏四月戊午遼羅斛入貢甲子振山東山  
西流民乙丑振河南遭水州縣戊辰鑄渾天儀成  
辛未冊封皇子櫛爲慶王權甯王榭岷王樵谷王  
松韓王模潘王楹安王極唐王棟郢王懋伊王罷  
承勅郎丙子夜有彗星二一入紫微垣闔闔門犯  
天床一犯六甲掃五帝座庚辰修祖陵辛巳浙東  
海堤成癸未命燕王總兵出塞五月辛卯幸龍光  
山閱將士射柳戊戌命漢衛谷慶甯岷六王練兵

潛菴先生史稿

本紀  
卷之四

十一

臨清乙巳以國子監生日本人滕祐壽爲觀察使  
甲寅振北平遭水州縣自三月至是月不雨六月

丁巳清汰僧道命有司朔望謁文廟與師生講說

經史已未詔廷臣參考歷代禮制更定冠服居室

器用制度辛酉選歷事官分行天下勸學求賢甲

子以久旱慮囚甲戌賜諸王史記通鑑戊寅頒書

籍於北方學校秋七月丙戌毀天下寺觀逾額者

庚寅命刑部左侍郎李似初都察院左僉都御史

張構同閤門使觀察使侍班備顧問糾正百司闕

遺丁亥東川侯胡海卒庚子徙富民實京師辛丑



蠲畿內諸府官租之半癸丑別失八里入貢八月  
乙卯召秦王棣至京師乙丑皇太子巡撫陝西內  
寅遣使存恤犒獨丁卯高麗貢馬己卯以山東河  
南倉粟貸貧民辛己太白晝見是月都督僉事劉  
眞等討哈梅里敗之九月乙酉高麗琉球入貢王  
事寬徹及御史韓敬評事唐鈺使西域甲午代州  
五臺饑除軍糧庚子免建甯歲貢龍團茶罷閣門  
使是月倭寇雷州百戶李玉鎮撫陶鼎戰死冬十  
月甲寅遣使頒賜高麗丁巳北平河閒水蠲今年  
田租乙丑南豐縣典史馮堅言九事稱旨擢僉都

潛菴先生史稿

本紀卷之四

十一

御史賜福建耆民酒肉絮帛十一月癸未賜國子  
生襴衫巾條己丑占城入貢卻之癸巳命天下生  
員兼讀誥律己亥賞民間弟子能誦大誥者庚戌  
皇太子還自陝西晉王桐來朝辛亥振河南遭水  
州縣是月五開堂厓諸洞苗蠻作亂都督僉事茅  
鼎揚春會師討平之十二月癸亥以詹徽爲吏部  
尚書仍兼左都御史副都御史袁泰爲右都御史  
癸酉高麗入貢戊寅購書福建頒賜北方儒學辛  
巳阿賚復叛命都督僉事何福爲平羌將軍討之

是月天下更造賦役黃冊成



二十五年春正月戊子周王來朝庚寅河決陽武  
築隄防丙申送元梁王孫愛顏帖木兒於耽羅辛  
丑宥死罪囚輸粟於邊壬寅晉燕楚湘四王來朝  
丙午祥符河決蠲今年田租是月何福討都勻畢  
節囉囉諸蠻克之二月丁巳青兗登萊濟南饑免  
魚課戊午詔在外公侯還京庚申晉燕周楚湘五  
王還國辛酉太白晝見甲子詔學校兼習射與書  
數丙寅耕籍田癸酉將校謫戍雲南者俱復官庚  
辰命天下衛所軍卒以十之七屯種十之三城守  
曹縣主簿劉郁因事逮繫耆民詣闕言其廉惠帝

潛菴先生史稿

本紀卷之四

三

曰吏廉惠則民賴之朕所求也命復其官三月癸  
未命宋國公馮勝等十三公侯分理陝西山西河  
南諸衛甲申振北平水災蠲田租丁亥舳舻侯朱  
壽左軍都督僉事黃輅督海運遼東庚寅改封豫  
王桂爲代王漢王樞爲肅王衛王植爲遼王罷築  
鳳陽城丙申遣官祭諸王國境內山川癸卯兩浙  
鹽運使陳龔貶雲南有言其爲胡惟庸黨者以元  
帝之加忠節如此  
忠臣福壽子宥之夏四月建昌衛指揮使月魯帖  
木兒等叛指揮使安的敗之轉攻薊州指揮僉事  
魯毅敗之丁卯諭廷臣唐虞之時百僚師師羣后



德讓諸臣景行古人無敗禮失段乙亥原輕繫囚

丙子皇太子薨戊寅詔都督聶緯權總兵都督徐  
司馬四川都指揮使瞿能爲左右副討月魯帖木  
兒五月癸未琉球國中山王察度遣使入貢并遣  
其從子入國學陳州原武水振之王辰北平江西  
陝西饑以倉粟貸之戊申以浙江按察司僉事解  
敏署都察院事庚戌高麗入貢六月戊午封俞通  
淵爲越嵩侯癸亥頒學規於天下學校丁卯西平  
侯沐英卒於雲南辛未振江西南安饑丙子蠲湖  
廣竹山逋稅秋七月庚辰秦王還國癸未瞿能大

潘菴先生史稿

本紀  
卷之四

十四

敗月魯帖木兒庚寅以雲南都指揮使甯正爲左  
軍都督府左都督左軍都督府僉事馮誠爲右軍  
都督府右都督同鎮守雲南辛卯以大理寺卿張  
廷蘭爲左副都御史署院事丁未改詹事院爲府  
以兵部尚書致仕唐鐸兼詹事八月癸丑代王桂  
就國己未江夏侯周德興有罪誅庚申葬懿文皇  
太子丙寅國子監闢射圃賜諸生弓矢丁卯命宋  
國公馮勝穎國公傅友德赴山西諭耆老以屯田  
守邊至意開國公常昇等二十四人分行太原等

府屯田辛未燕王湘王來朝改建宗人府五府六



部太常司官署於朝門左右甲戌歲給公侯祿各歸賜田於官丙子靖甯侯葉昇坐胡惟庸黨伏誅復武官謫戍大甯雲貴者官頒醒貪簡要錄九月丁亥以按察使張景德張希仁徐志行何均寶同署都察院事庚寅立皇太孫允炆戊戌燕王湘王還國癸卯工部尚書秦達有罪自殺乙巳分遣國子生百七十一人考天下諸司案牘戊申疏深陽縣銀墅東灞河禁陝西都司遣兵隨秦王出入是月高麗門下侍郎李成桂廢其權國事王瑤來請旨聽之冬十月乙亥沐春襲封西平侯鎮雲南十

潛菴先生史稿

本紀卷之四

五

一月甲午藍玉俘月魯帖木兒以獻伏誅權高麗國事李成桂遣使奉慰貢祭禮壬寅詔鳳廬滁和民戶種桑棗柿各二百甲辰蠲祥符河浸田租重定中外文武百司品階勳祿之制十二月丙辰安陸知州余彥誠以徵稅愆期當逮聞其勤於撫字宥之賜宴還職用知事周昌言士人坐微過譴者有司皆得薦舉庚申琉球國山南王察度遣使入貢并遣兄子入國學乙丑都督僉事楊春討靖州綏甯蠻寇平之甲戌以糸國公馮勝穎國公傅友德兼太子太師曹國公李景隆涼國公藍玉兼太



子太傅開國公常昇全甯侯孫恪兼太子太保詹  
徽爲太子少保兼吏部尚書茹瑺爲太子少保兼  
兵部尚書任亨泰爲詹事府兼翰林院修撰閏月  
乙酉更高麗國號曰朝鮮甲辰戶部尚書趙勉有  
罪誅

二十六年春正月丁未朝鮮安南及廣西四川雲  
南諸土司入貢賜宴於會同館冊美人李氏爲賢  
妃葛氏麗妃劉氏惠妃戊申免天下耆民來朝乙  
卯起致仕兵部尚書唐鐸兼太子賓客癸亥肅王  
橫遼王植慶王榘甯王權就國琉球入貢戊辰頒

潛菴先生史稿

本紀四  
卷之四

七

大成樂器於天下府學辛未以刑部尚書楊靖兼  
太子賓客二月丁丑命晉王總兵出塞遣使頒金  
銅信符於西涼山丹諸衛有徵發合符始行乙酉  
蜀王來朝涼國公藍玉以謀反及其黨鶴慶侯張  
翼等吏部尚書詹徽等皆伏誅丁亥蜀王還國庚  
寅耕籍田癸巳朝鮮貢馬賚以布帛丙申瓜哇入  
貢壬寅西番僧貢龍馬三月戊申緬國入貢辛亥  
勅代王率護衛出塞聽晉王節制乙卯以駙馬都  
尉王甯掌後軍都督府事丙辰命馮勝傅友德練  
兵北平聽燕王節制凡軍中機務先奏聞後啟王



著爲令壬戌會甯侯張溫中軍都督蕭用坐藍玉  
黨伏誅甲子以駙馬都尉李堅掌前軍都督府事  
庚午頒諸司職掌及稽制錄夏四月乙亥孝感饑  
遣官乘傳發倉貸之自今凡歲饑先貸後聞著爲  
令己卯鎮海衛千戶黎旻巡海遇賊先遁百戶韓  
觀等四十人戰死詔錄觀等功黎旻伏誅壬午瀋  
陽侯察罕坐藍玉黨伏誅甲申復指揮使四百七  
十九人官戊子周王及其世子來朝庚寅以久旱  
詔羣臣直言得失疏罪囚阿魯帖木兒乃兒不花  
坐謀逆伏誅辛卯琉球入貢遣子入國學壬辰高

潛菴先生史稿

本紀  
卷之四

七

郵興化滁州民饑官發倉振之報聞丙申榆社隕  
霜殺麥詔安南廢立絕其朝貢戊戌周王及其世  
子還國賜潁國公傅友德第於鳳陽甲辰太白晝  
見五月乙卯淮安鹽城旱官振倉粟之半報聞遣  
行人盡發之賞陝西民弟代兄戍監守相容者戊  
辰越嶲侯俞通淵有罪削爵庚午琉球入貢六月  
丙子朝鮮入貢謝賜國號壬辰左軍都督馬俊坐  
藍玉黨伏誅遣使勅諭朝鮮丁酉禁錦衣衛鞫刑  
所逮者屬法司肇州吏目諸葛伯衡以廉擢陝西  
布政司右參議戊戌以戶部右侍郎郁新工部右



侍郎嚴震直並爲本部尚書辛丑禁公侯制度僭  
後癸卯詔諸王入朝秋七月甲辰朔日有食之丙  
午罷外司鼓鑄戊申選秀才張宗璿等隨詹事春  
坊入直文華殿辛亥勅遼東嚴備朝鮮癸丑以都  
督僉事劉德爲中軍都督府左都督袁洪爲左軍  
都督府左都督己巳右軍都督聶緯坐藍玉黨伏  
誅辛未遣官祭廬山爲周顛仙立碑是月普定土  
司作亂都指揮顧成討平之樂昌盜起指揮雍文  
討平之八月甲戌散騎舍人劉昌捕河北盜王天  
錫斬之庚辰除授官免試職癸未秦晉燕周齊五

潛菴先生史稿

本紀卷之四

六

壬入朝賜天下儒學訓導冠帶戊子宴羣臣於奉  
天門赦胡惟庸藍玉餘黨庚子太白晝見九月道  
州蠻作亂永州百戶李實戰死指揮許仁討平之  
癸丑代肅遼慶甯五王入朝甲子東宮官缺命羣  
臣舉孝廉篤行之士以浦江鄭濟爲左庶子王勳  
爲右庶子會稽縣知縣鄒魯以執法被誣事白擢  
大理寺丞丙寅諸王還國王申朝鮮謝罪入貢冬  
十月丙戌宥朝鮮罪己丑罷中都國子監以其師  
生入國學丙申擢國子監生六十人爲左布政使  
等官十一月甲寅發漢中等府民修棧道戊午詔



朝鮮人隔河五市不許入境已未東莞叛寇何迪  
伏誅丁卯瓜哇入貢是月青兗濟南濟甯水十二  
月壬申貶嚴震直爲監察御史庚寅暹羅斛入貢  
庚子永鑑錄成頒賜諸王世臣總錄成頒示中外  
百官禁軍民用太孫太保太師等字命名

二十七年春正月壬寅蠲青州兗州田租乙巳命  
都察院戒飭按察司官無竊祿徇私禁寺院擅收  
兒童爲僧辛亥雲南洞蠻寇建昌都督徐凱敗之  
甲寅禁民間用番香丙辰召信國公湯和入朝賜  
鈔遣還辛酉命曹國公李景隆佩平羌將軍印鎮

潛菴先生史稿

本紀  
卷之四

七

甘肅以天下郡縣倉粟貸貧民甲子烏思藏灌頂  
國師入貢乙丑建漢臣關羽廟於雞鳴山二月庚  
辰詔罷在外交武諸司公宴壬午蠲如臯華亭漣  
賦甲午蠲山東遭水田租是月琉球緬國朵甘烏  
思藏入貢三月庚子策試貢士賜張信等一百人  
進士及第出身有差辛丑命魏國公徐輝祖安陸  
侯吳傑沿海練兵防倭癸卯以太子賓客兵部尚  
書唐鐸爲太子少保發山西軍城東勝北平軍城  
宣府丙午蠲山東甯陽縣田租仍杖使臣覈水災  
之不實者丁未定武官比試之例乙酉授琉球國



王相亞蘭輓秩正五品賜公服一襲甲寅命韓王  
松藩王模往省秦晉諸王甲子以四方底平收藏  
甲兵示不復用夏四月庚辰詔乾州立唐臣渾瑊  
祠壬午命民間高年有德者理其鄉之詞訟丙戌  
徵儒臣訂正蔡沈書傳瓜哇入貢五月甲寅安南  
入貢卻之癸亥以少詹事兼翰林修撰任亨泰爲  
禮部尚書丙寅命諸司奉旨毋得稱聖凡命遣皆  
稱欽著爲令是月以吏部左侍郎翟善爲本部尚  
書六月丁丑蠲山東滋陽縣田租戊寅免海運八  
月辛未蠲祥符陽武封邱遭水田租癸酉免輸桑

潛菴先生史稿

本紀卷之四

三

穰甲戌命安陸侯吳傑永定侯張銓廣東備倭乙  
亥遣國子生循行郡縣興水利丙戌陝西階文千  
戶張者叛以左都督竇正爲平羌將軍討之以疏  
鈔禁用銅錢賜百官鈔宴於醉仙樓九月乙巳凡  
割服卧冰者不得旌表著爲令丙午撒馬兒罕入  
貢乙卯朝鮮國王李旦遣子入貢庚申修寰宇通  
志成丙辰復遼東屯田十年以都察院左副都御  
史曹銘爲右都御史冬十月壬午令武官子弟年  
十五以下入府縣學講讀經史兼讀御製武臣鑑  
戒諸書學成選任牧民之職己丑停建岷王官殿



十一月戊戌朝鮮貢馬且謝罪乙丑穎國公傅友德薨是月阿資復叛西平侯沐春等討敗之十二月辛未鑿鬱林江是月紫江蠻作亂都指揮程暹討平之賈哈刺寇鹽井指揮僉事陳進戰死

二十八年春正月丙申朝鮮琉球入貢辛亥勅周王晉王以河南山西衛軍築城塞北屯田甲子勅燕王帥師征三萬衛是月階文叛寇及阿資皆平二月丁卯宋國公馮勝薨徙民東昌開蕪田甲戌以工部侍郎王雋爲本部尚書都察院左僉都御史王平爲右都御史乙丑諭天下民百戶爲里凡

潛菴先生史稿

本紀卷之四

三

婚姻死喪疾病患難春耕穫協力相助以教民厚詔城邊郡三月戊戌命都督僉事朱信充總兵

官督海運遼東乙巳谷王穗就國癸丑秦王棧薨戊午罷太僕寺羣監官以其馬隸有司是月陝西四川二都司大敗西番以其民編籍輸賦夏四月

巳巳分遣國子生勾稽吏牘庚午琉球入貢辛未停建遼王宮殿壬申指揮姚祥俘蠻寇鄧華仔以獻伏誅甲申命致仕兵部尚書唐鐸招諭龍州土

官趙宗壽五月癸丑安南貢馴象六月乙丑肅王橫就國丙寅冊秦世子尚炳爲秦王壬申詔土司



皆立儒學幸已總兵官周興等追西陽哈至開原  
不及而還已丑勅曰朕自起兵四十餘年凡人情  
僞無不洞悉時於法外從權處斷非守成之君所  
可遵行以後嗣君止守律與大誥不得擅用肉刑  
罷丞相設五府六部都察院通政大理分理庶政  
大權歸之朝廷以後敢有請立丞相者羣臣共奏  
誅之皇親惟謀逆不赦餘罪具請上裁不得擅自  
逮問秋七月宜山蠻寇廣西指揮韓觀討平之戊  
戌河南確山縣野蠶成繭羣臣表賀帝曰一邑偶  
有之不足衣被天下何賀焉丙辰詔大臣負重譴

潛菴先生史稿

本紀卷之四

三

得免者列九品班後戊午詔曰孔子作春秋明三  
綱叙九法爲百王軌範修身立政備於其中處事  
決疑疇能舍此近諸生鮮明春秋繼自今咸宜習

讀博士勤課之有獻道書者曰朕所用者聖賢之  
道煉丹燒藥之說誕妄不經何所用乎郤之八月  
丁卯命左都督楊文佩征南將軍印帥師討趙宗  
壽及奉議南丹諸叛蠻朝鮮貢馬戊辰遣禮部尚  
書任亨泰御史嚴震直使安南諭以方討龍州慎  
守邊境毋納叛啟豐信國公湯和薨辛巳兵部尚

書唐鐸還宗壽伏罪楊文移兵奉議鐸參軍事丁



亥命指揮僉事胡冕爲前將軍討柳州桂陽山賊  
九月甲午岷王梗就國丙申趙宗壽來朝貢丁酉  
崇山侯李新左都御史曹銘有罪誅薊京畿及山  
東稅糧是夜初更天鳴自東北起南行至二更止  
巳酉朝鮮入貢燕王代王進嘉禾庚戌頒祖訓於  
內外諸司勅後世有議更改祖制者以奸臣論殺  
無赦是月柳州桂陽賊平閏月丁卯貶翟善爲宣  
化知縣庚寅減親王歲賜祿米以資軍國是月鎮  
遠苗蠻叛指揮萬繼百戶吳彬戰死指揮許能討  
平之罷各郡縣鐵冶冬十月庚子立皇太孫妃馬  
潛菴先生史稿

本紀  
卷之四

三

氏是月廣南土官儂貞佑叛都指揮王俊討平之  
十一月貴州土官阿傍叛都指揮顧成討平之乙  
亥禮制集要成頒示中外暹羅斛人貢是月奉議  
南丹都勻蠻寇悉平十二月壬辰詔山東河南新  
種桑棗與新墾田同免徵科朝鮮入貢以表辭不  
恭畱其使辛亥洪武志書成戊午遣內使趙達使  
暹羅斛祭其國王是年遣給事中傅安郭驥使西  
域大興水利天下開塘堰凡四萬九百八十有奇  
疏河渠凡九千二百有奇

二十九年春正月壬戌以詹事府丞杜澤爲吏部



尚書左春坊左贊善門克新爲禮部尚書己巳琉  
球入貢乙亥朝鮮請印誥不許二月己丑緬國與  
思倫發相攻遣行人李思聰錢古訓諭解之甲午  
禮部尚書任亨泰還自安南貶監察御史是月安  
南以陳叔明卒來告哀以叔明篡弒得國不遣使  
弔慰諭其國知之胡冕平廣東廣西諸寇俘渠魁  
以獻斬之仍戒其縱殺振彭澤饑杖匿災者三月  
庚申都督朱信等督海運遼東辛酉楚王湘王入  
朝丁卯還國王申以董仲舒從祀孔子廟庭黜楊  
雄壬午遣行人陳誠立撒里畏兀兒爲安定衛指

潛菴先生史稿

本紀  
卷之四

三

揮使司癸未運農器於大甯衛以都督僉事徐增

壽爲右軍都督府左都督李增枝爲前軍都督府

左都督沐晟爲後軍都督府左都督甯正卒五月庚申

琉球入貢右軍都督府左都督甯正卒五月庚申

蠲武安逋賦庚午遣使種桑於湖南諸郡六月戊

申以工部左侍郎孫顯署本部尚書秋七月丙子

蠲辰州麻陽逋租癸未晉王進嘉禾八月丁亥命

蘭州衛指揮僉事徐遵解邊任歸葬丁酉以大理

寺寺丞夏恕署刑部尚書丁未詔蠲畿內諸府田

租己酉禮部尚書門克新卒貶都察院右都御史



來恭爲刑部右侍郎九月丙辰修廣西興安縣靈渠朝鮮遣使賀天壽節併送撰表人鄭總等畱之不遣乙亥大賚天下致仕武臣二千五百餘人語及昔日共艱難脫畧威嚴款語移時諸臣感激有泣下者冬十月戊戌致仕武官人晉一級授任邊衛甲寅改天下按察司爲四十一道十一月己卯免國子監官朝朔望壬戌蠲北平霸州大城田租己巳頒稽古定制於功臣壬申以刑部主事鄧文鏗署都察院事戊寅琉球入貢十二月乙酉遣行人陳誠呂讓使安南癸卯朝鮮入貢己酉烏思藏潛菴先生史稿

本紀卷之四

五

貢劍及甲冑是月順甯土酋阿羅作亂西平侯沐春討平之是年罷大理寺

三十年春正月乙丑沔縣賊高福興作亂征西將

軍耿炳文討之丁卯山西北平陝西甘肅遼東置

行太僕寺辛未城開平衛乙亥除黃河兩岸魚課

己卯諭翰林官進讜言改禮儀司爲鴻臚寺頒爲

政要錄三月丙戌琉球占城入貢朝鮮謝恩戒諭

之庚寅水西土酋叛顧成爲征南將軍討之癸巳

以工部左侍郎孫顯爲本部尙書丁酉勅秦蜀二

王巡禁私茶己亥命靖江王世子贊儀編省諸王



甲辰廷臣請討安南不許三月癸丑策試貢士賜  
陳郊等五十一人進士及第出身有差辛未顧成  
破水西叛酋夏恕請加謀逆者誅三族帝以其太  
過命如律壬午熒惑入太微勅楚王楨謹天戒是  
月古州上婆洞蠻林寬叛于戶吳得鎮撫井宇戰  
死贈官世襲恤其家夏四月乙酉勅晉王燕王備  
邊十事禁出海互市辛卯林寬犯新化千戶紀達  
敗之己亥命都指揮使齊讓爲平羌將軍討林寬  
丁酉革天下鐵冶所癸卯以楊靖爲都察院左都  
御史嚴震直爲右都御史是月築玉林天城水西

潛菴先生史稿

本紀卷之四

三

諸蠻平五月壬子朔日有食之甲寅大明律誥成  
乙卯命楚王楨湘王柏討古州洞蠻丙辰擢司務  
暴昭爲刑部右侍郎丙寅山東流民屯田賜復一  
年己巳始建遼王府於廣甯諭都督陳信嚴備朝  
鮮己卯天下講讀大誥師生來朝者凡十九萬三  
千四百餘人並賜鈔遣還六月辛巳策試禮部下  
第貢士賜韓克忠等六十一人進士及第出身有  
差置政平訟理二旰廬囚丁亥勅楚王湘王生擒  
蠻寇無得輕殺己酉詔陝西禁馬出潼關武關駙  
馬都尉歐陽倫坐販私茶賜死秋七月癸丑命監



察御史張亨等署都察院事丁巳左都御史楊靖  
有罪賜死乙丑禁邊將私鬻馬壬申致仕兵部尚  
書兼太子少保唐鐸卒八月辛巳命楚王楨討黔  
陽辰溪蠻寇丁亥河決開封移倉庫於滎陽己丑  
以嚴震直爲工部尚書丁酉朵甘烏思藏使臣犯  
私茶禁以遠人毋論己亥以義門鄭沂爲禮部尚  
書辛丑暹羅斛入貢丁未禁諸王興作九月庚戌  
高福興伏誅辛亥命天下郡縣置木鐸老人以六  
諭徇於道路丁巳晉王代王進嘉禾凡一百四十  
又本癸亥城銅鼓朝鮮入貢戊辰平緬刀幹孟逐

潛菴先生史稿

本紀  
卷之四

三

其宣慰使思倫發以叛西平侯沐春送思倫發於  
京師乙亥齊讓平蠻無功都督楊文佩前將軍印  
代之冬十月己卯淮安雨傷稼蠲田租癸未命以  
土物代輸逋賦乙酉齊讓俘蠻寇林寬等以獻復  
停海運甲辰賜鳳陽今年田租朝鮮入貢復以表  
語涉譏訕拘其使丁未暹羅斛入貢十一月宥武  
定侯郭英罪丙辰命都督僉事徐凱等討叛酋賈  
哈刺癸酉命沐春爲前將軍討刀幹孟甲戌齊讓  
坐征蠻逗遛誅十二月癸未帝不豫癸巳琉球入

貢乙巳遣思倫發還雲南



三十一年春正月乙卯暹羅斛琉球入貢二月庚辰設學於虎踞關教武臣子弟乙酉倭寇山東指揮陶鐸敗之丁酉寇浙江千戶王斌鎮撫袁潤戰死恤其家甲辰賈哈刺伏誅三月戊申琉球入貢已未晉王桐薨癸亥賜琉球國中山王察度冠帶並陪臣冠服甲戌蠲鳳陽懷遠去年田租夏四月丁丑琉球國中山王察度遣使謝賜貢馬及方物罷回回欽天監戊子以刑部侍郎暴昭爲左都御史庚寅五府兵部請討朝鮮不許丁酉立晉世子濟熹爲晉王擢龍江衛經歷黃福爲工部左侍郎

潛菴先生史稿

本紀卷之四

天

壬寅蠲鹽城山陽田租五月丁未西平侯沐春擊

平緬大敗之沐春卒都督何福執刀幹孟歸思倫

發於平緬辛亥以昌邑去年海溢沒民田蠲其租

占城入貢甲寅帝不豫丙寅暹羅斛入貢再復山

東流民一年丁卯高郵秦州水蠲田租閏五月乙

酉帝崩於西宮年七十一遺命喪葬儀物一以儉

素不用金玉孝陵山川因其故無所改天下臣民

哭臨三日皆釋服無妨嫁娶辛卯葬孝陵永樂元

年上尊謚曰聖神文武欽明啟運俊德成功統天

大孝高皇帝廟號太祖嘉靖十七年加土尊謚曰



開天行道肇紀立極大聖至神仁文義武俊德成  
功高皇帝帝聰明神武勤於聽斷昧爽臨朝薄暮  
還宮雖寒暑不廢土無貴賤皆得引見一事裁決  
未當中夜弗寐仰觀天象見一星失次卽爲惶懼  
體察政事次第劄記待旦行之侍臣承間以軒皇  
養性之說進帝曰朕豈不知願養可以永年但自  
古國家未有不以勤而興怠而廢者天命去留人  
心向背深可畏也何敢暇逸嘗曰天人之理無二  
人當以心爲天指宮中隙地示太子曰此非不可  
起臺榭爲遊觀地第令內使種蔬誠不忍勞民也

潛菴先生史稿

本紀卷之四

五

視事東閣暑甚流汗侍臣見其更衣皆經澣濯御  
史中丞陳甯等來奏事帝方免冠櫛髮見之遂移  
入幃內櫛已正冠始出相見微時未嘗學問及攻  
討四方與諸儒息馬講藝援筆爲文頃刻數千言  
並極典贍無所疑滯與廷臣論及漢唐以來女寵  
外戚宦官藩鎮禍及國家曰人君不邇聲色嚴宮  
闈之防女禍何自而生不牽私愛惟賢是用外戚  
之禍何自而作供給掃除不假兵柄則無宦官之  
禍上下相維中外相制防壅蔽謹下移使財歸有  
司兵須合符安有權臣藩鎮之患至於修飭邊備



文德懷柔來者禦之去不窮追則疆圉鞏固萬世之法戒備矣

贊曰唐虞禪受尚矣湯武皆由諸侯而王漢高起徒步尚藉亭長唐宋之興皆因勢乘便太祖出自側微不階尺土一民而削平僭亂定有中原海外君長奉正朔受冠帶功烈之盛方冊所載未嘗有也承元之後制作禮樂修明舊章崇儒術重祀典求賢賜租之詔無歲不下禮高年褒孝弟勵農桑旌廉能重節義黜貪墨蓋功德兼隆焉至其家法謹嚴后妃不得預政外戚無請謁之私任五府六

潛菴先生史稿

本紀卷之四

三

部而朝無專政之臣置衛屯田而國無養兵之費尤其立法之善者獨是懲元政廢弛治尚剛嚴所謂治亂國用重典與然時時越法有所縱舍大抵疎於微賤而詳於貴近故功臣保全亦異於唐宋矣至朝鮮安南內亂則惟以璽書告誡不事征討又非好大喜功者所可及也祚幾三百不亦宜乎

網羅裁制不蔓不遺諸大征討挈綱而已可謂極盡簡然篇幅猶繁其勢爲之又何言哉

一代三百年規模備於是篇洵足冠冕全史

憶壬戌春先生以典試竣過里出此卷相示



潛菴先生擬明史稿卷之五

睢州湯 斌潛菴擬

同里田蘭芳箕山評

歷志

自古聖人致治歷數爲先然大易之義取象乎革  
歷代推驗未有久而不變者也故黃帝迄秦歷凡  
六改漢凡五改魏迄隋凡十三改唐迄五代凡十  
六改宋凡十八改金迄元凡三改而元郭守敬授  
時歷爲最密其法以至元十八年辛巳爲歷元上  
推下驗歲實消長百年各一初定氣應五十五萬

潛菴先生史稿

歷志  
卷之五

一

六百分閏應二十萬一千八百五十分轉應十三  
萬一千九百四分交應二十六萬一百八十七分  
八十六秒行之未久三十一年甲午五月望月食  
不效差天二刻守敬于是取諸應而損益之閏應  
爲二十萬二千五十分轉應爲十三萬二百五分

交應爲二十六萬三百八十八分惟氣應如初

甲午

改應元  
史失載

夫守敬集歷學之大成加以精思廣測謂

已盡運行消息之變矣乃當其世猶不免差焉豈

非天載無窮其變遷尚多故與明初太史院使劉

基進戊申大統歷迄監正元統制四準分以洪武



甲子爲歷元其各雖易而法仍元舊所異者特去  
上下消長之說及改從應天畧刻耳太祖又嘗以  
回回歷科隸欽天監命翰林李翀等譯其書以與  
大統歷參校成祖北遷監官承用應天畧刻正統  
未議更造己巳大統歷畧刻用順天行之未久尋  
復舊畧嗣後大統寢疎交食多舛中間崇官治理  
則有若太常少卿童軒光祿少卿樂護華湘等著  
書考正則有若鄭端清世子載堉按察使邢雲路  
等建議修改則有若中官正周濂南太僕少卿李  
之藻等最著然學屬專家監官往往拘泥舊聞憚

潛菴先生史稿

歷志  
卷之五

二

於改作事同築舍迄無定論崇禎中議用西洋法  
命閣臣徐光啟光祿卿李天經先後董其事時布  
衣魏文魁上疏排之詔立兩局推驗莊烈愍皇帝  
亦於內庭設儀器臨測叅校累年西法獨密然亦  
未及頒行此有明一代制歷之大槩也今采其沿  
革議論著於篇端大統曆以元統歷法通軌爲斷  
回回西洋二歷法咸列于後備稽考焉

吳元年十一月乙未冬至太祖以大統歷成謂劉  
基曰歷數者國之大事帝王敬天勤民之本也天  
象行度有遲速古今歷法有疎密必得其要庶能



無差卿等推步各宜慎之洪武元年改太史院爲  
司天監又置回回司天監十月甲午詔徵元太史  
院使張佑張沂司農卿兼太史院使成隸太史同  
知郭讓朱茂監候劉孝忠靈臺郎張容司天太監  
趙恂少監王可大石澤李義回回司天太監黑的  
兒阿都刺監丞迭里月實凡十四人二年又召元  
回回司天臺官鄭阿里等十一人至京議歷法三  
年定爲欽天監設四科曰天文曰漏刻曰大統歷  
曰回回歷自五官正而下至天文生各專科肄焉

五官正理歷法歲造大統歷御覽月令歷六壬遁

潛菴先生史稿

歷志  
卷之五

三

甲歷七政躔度歷上之御歷三十事民歷三十二  
事六壬遁甲歷六十七事挈壺正知漏刻孔壺爲  
漏浮箭爲刻以考中星昏明之度而皆統於監正  
丞干年三月丁未帝與羣臣論天與日月五星之  
行翰林應奉傅藻典籍黃麟考功監丞郭傳皆以  
蔡氏左旋之說對帝曰天左旋日月五星右旋二  
十八宿經也附天體而不動日月五星緯乎天者  
也朕自起兵以來與善推步者仰觀天象二十有  
三年矣嘗夜指一宿爲王太陰初居是宿之西盡  
一夜則漸過而東矣由此觀之則是右旋此自有



歷家本論爾等猶守蔡氏之說豈所謂格物致知之學乎十五年九月帝諭翰林臣李猗吳伯宗曰邇來西域陰陽家推測天象至爲精密其緯度之法又中國書所未備宜譯其書以時披閱遂召欽天監靈臺郎海答兒阿答兀丁回回大師馬沙亦黑馬哈麻等譯之十七年閏十月欽天監漏刻博士元統言一代之興必有一代之制今歷以大統爲名而積分猶踵授時之數非所以重始敬正也至元辛已至今洪武甲子積一百四年以歷法推之得三億七千六百一十九萬九千七百七十五

潛菴先生史稿

歷志卷之五

四

分經云大約七十年而差一度每歲差一分五十分辛已至今年遠數盈漸差天度擬合修改臣今推演得洪武甲子閏準分一十八萬二千七十分一十八秒氣準分五十五萬三百七十五分轉準分二十九萬九千六百九十分交準分一十一萬五千一百五分八秒若夫七政之遲疾逆順伏見不齊其理深奧實難推演聞磨勘司令王道亨有師郭伯玉者精明九數之學若得斯人推大統歷法庶幾可成一代之制疏奏報可擢統爲監正統取元授時歷經去歲實消長之說析其條例錯綜



其文得四卷以洪武十七年甲子爲歷元命曰大統歷法通軌二十六年欽天監監副李德芳言元至元辛巳歷元上推往古每百年長一日下驗將來每百年消一日永久不可易也今監正元統改作洪武甲子歷元不用消長之法以考春秋魯獻公十五年戊寅歲距至元辛巳二千一百六十三年以辛巳爲歷元推得天正冬至在甲寅日夜子初三刻與當時實測數相合洪武甲子爲元上距獻公戊寅歲二千二百六十六年推得天正冬至在己未日午正三刻比辛巳爲元差四日六時五

潛菴先生史稿

歷志卷之五

五

刻今當復用辛巳元及消長之法方合天道疏入元統亦奏辯所推甲子歷元實不謬太祖曰二統皆難憑但驗七政交會行度無差者爲是自是欽天監以洪武甲子爲歷元而造歷依授時法推算如初二十九年鑄渾天儀成三十一年罷回回欽天監永樂遷都順天監官承用統法仍依應天晷漏冬夏晝夜長止五十九刻短止四十一刻正統十四年春正月朔頒己巳大統歷冬夏至晝夜至六十二刻其冬景帝卽位天文生馬軾乞改大統歷晝夜時刻下廷臣集議監正許惇等奏前監正



彭德清於觀象臺測驗以北京校之南京北極出地上高三度有奇南極入地下低三度有奇冬至晝短三刻夏至晝長三刻逐一考究奏準改入大統歷內永爲定式軾起自軍匠不諳歷數其言妄誕不足聽也帝曰歷雖造於京師而太陽出入度數則當以四方之中爲準昔堯命羲和仲叔四人分測驗於四方以定四時之仲今京師觀象臺在堯幽都之地太陽出入之度其可以爲準乎今後造歷仍用洪武永樂間舊制景泰元年正月辛卯卯正三刻月食欽天監誤推辰初初刻致失救護

潛菴先生史稿

歷志  
卷之五

六

下監官法司論徒詔宥之成化十年以監官多不職時雲南提學僉事童軒以知歷各遂擢太常寺少卿掌欽天監事十五年十一月戊戌望月食先是欽天監奏月未入見食一分已入不見食八分至是辰四刻未入食旣軒具言晉隋以來雖立歲差之法終鮮精密况南北高下地有不同豈能照合天象監官不能隨時修改故多舛誤而帝亦以天象微渺不之罪也十七年真定縣教諭俞正已上改歷議謂成化十四年戊戌十一月初一日已

丑子正月初刻合朔冬至日月與天同會于斗宿七



度至三十三年丁巳十一月初一日戊辰酉正月初刻合朔冬至日月與天復同會於斗宿七度所謂氣朔分齊是爲一章者也將一章十有九年七閏之數編冊進呈下禮部尚書周洪謨掌欽天監事童軒與正已參考講論洪謨等奏正已止據邵子皇極經世書及歷代天文志推算氣朔又祖述前人評論歲差之意言古今歷法俱各有差輕率狂妄請下法司治罪而軒亦奏正已所進冊內每月俱以大小編排止有合朔並無弦望於本年六月後作閏六月夫本年若閏六月卽今八月當作七月

潛菴先生史稿

歷志卷之五

七

月觀數日以來氣候豈七月令乎又其言成化十四年戊戌爲章盡之年當閏十月而不置閏故冬至差一十二日且謂今歷冬至合朔閏月三者皆差臣思歷日乃正朔之書借使置閏或差則寒暑反易農桑庶務盡失其候矣晦朔弦望或差則本監所算日月交食日時并所躔宿度亦俱差矣今何爲盡驗乎况戊戌置閏邇而上之無不差者又其言天地間有自然之冬至有自然之閏月非人力私見所得而損益今乃自以己意創爲八十七年約法每月大小相間編排有合朔而無弦望是



以區區私見強欲合天也宜正其罪以爲妄言之  
戒下詔獄千九年三月己酉曉刻月食天文生張  
陞上言以歷測象從古爲然然立法一定而天運  
不齊故自何承天唐一行以來皆有歲差之法我  
國家歷因元舊至今二百餘年而占候者尚泥古  
法宜其舛也今月十七日曉刻月食以古法占則  
食十一分八十八秒月未入見食八分四十二秒  
月已入不見食三分四十七秒以臣新法占則食  
十一分四十八秒與古法差四十九秒月未入見食  
十一分八秒與古法差二分六十七秒月已入不  
見食四十秒與古法差三分七秒臣不自量欲以  
辛丑起曆元用歲周三百六十五日二千四百二  
十五分爲中積分比授時歷稍加損益爲大明萬  
年歷庶占候之際不致有誤章下禮部而欽天監  
以爲祖制不可變於是陞說不行弘治八年八月  
丙寅十一年十一月丁丑占月食皆不應于三年  
五月甲寅朔日食欽天監預推寅虧卯圓及期乃  
虧于卯而復圓于辰十六年二月壬子望監官以  
爲月當食一分二十秒已復不食正德十二年六  
月乙巳朔十三年五月己亥朔兩日食起復皆弗

潛菴先生史稿

歷志卷之五

八





合於是漏刻博士朱裕上言授時歷法比漢唐宋  
 歷固為精密但至元辛巳距今二百三十七年歷  
 歲既久不能無差回回歷自開皇已未至今九百  
 餘年亦有疎舛連年推算日月交食算多食少算  
 少食多時刻分秒與天不合蓋赤道歲差一分五  
 十秒距今正德辛巳當差三百六十分黃道歲差  
 一分三十八秒半今當差三百三十二分四十秒  
 若不量加損益將來愈久愈差乞簡命大臣一員  
 總理其事令本監官生半推古法半推新法兩相  
 校驗奚疎奚密觀象臺測驗黃道赤道度分若干

潛菴先生史稿

歷志卷之五

九

日月五星躔度疎密漏刻科推測昏旦中星調品  
 晝夜壺漏回回科推驗西域九執歷法仍遣官之  
 南京及浙江諸省候土圭以測今時視至元天道  
 修短若干節氣早晚何如往復叅校衆途同歸則  
 交食可正而七政可齊章下禮部議覆以為星歷  
 之學必得明天人之理如許衡郭守敬者斯可任  
 考驗之責裕及監官歷法未必皆精遽難委以是  
 任今十月望月食中官正周濂等所推算與古法  
 及裕所奏各不同請至期考驗既而濂等言自漢  
 劉洪造乾象歷始覺歲周餘分太强晉虞喜未何



承天祖冲之始立歲差法元許衡王恂郭守敬等宗而用之損歲餘益天周強弱相減得日躔歲退之差一分五十秒以至元辛巳歲前天正冬至日躔赤道箕宿十度黃道箕宿九度二十二分一十七秒爲授時歷元推驗可謂至密但用之年久歲差退移天度太遠致有差失臣考元至正戊子冬至赤道歲差退天一度五十秒黃道歲差退天九十二分九十八秒永樂乙未冬至赤道歲差退天一度五十秒黃道歲差退天九十二分八十六秒成化辛丑冬至赤道歲差退天九十九分黃道歲差退天九十一分四十二秒今正德乙亥距至元辛巳二百三十五年赤道歲差當退天三度五十二分五十秒黃道歲差當退天三度二十五分七十四秒不經改正則推步豈能合於天道臣以歲差之術參詳校驗考得正德丙子歲前天正冬至氣應二十七日四百七十五分合得辛卯日丑初初刻日躔赤道箕宿六度四十七分五十秒黃道箕宿五度九十六分四十三秒爲歷元不用古法積年則作一算起每年加一算仍減一用之其中積分數目俱自此始其氣開轉交四應併周天黃

潛菴先生史稿

歷志卷之五

十



道二十八宿十二宮次分界諸類歷法立成悉從  
歲差隨時改正望勅禮臣併監正董理其事再選  
官生二三人與臣上自至元辛巳爲始下至未來  
戊子爲終通計二百四十八年將日月交食用古  
法新法逐一推算考驗精密庶合於天禮部覆奏  
以濂等所推近是但古法未可輕變請今後仍依  
古法推算再於官生內選精通歷學者同濂等以  
新法參驗久之果有定則別爲奏請從之十五年  
禮部員外郎鄭善夫上言天道幽渺其數精微以  
人合天洵匪易事如歲差之法晉虞喜以五十年

潛菴先生史稿

歷志  
卷之五

十一

差一度久而驗之弗合也何承天以百年劉焯以  
七十五年僧一行以八十三年久而驗之又弗合  
也許衡郭守敬定以六十六年有餘似已密矣今  
據法推演仍又不合天道豈易言哉臣以爲欲定  
歲差宜定歲法歲有小餘積四期餘一日以一日  
分加于四期則二至餘分只爭絲忽此所宜定也  
其次宜定合朔古人以一日百刻而變爲九十四  
分者以氣朔有不盡之數難分也凡月三十日二  
氣盈四百一十一分二十五秒一朔虛四百四十  
一分積虛盈之數以制閏故定朔必視四百四十



一分前後爲朧朧只在一分之間此又所宜定也  
至於日月交食日食最爲難測蓋月食分數但論  
距交遠近別無四時加減且月小闇虛大月入闇  
虛而食故八方所見皆同若日爲月體所掩而食  
則日大而月小日止而月下日遠而月近日行有  
四時之異月行有九道之分故北方食旣南方纔  
半虧南方食旣北方纔半虧其時刻分秒必須據  
地定表因時求合而後準如正德九年八月辛卯  
日食歷官報食八分六十七秒而閩廣之地遂至  
食旣時刻分秒安得而同今宜按交食以更歷元

潛菴先生史稿

歷志卷之五

十三

時分刻刻分分分秒極精極細卽至于半秒難  
分之處亦須酌量而定不然則差之半秒積以歲  
月躔離朧朧皆不合原算矣不報十六年朱裕復  
言本監觀星臺晷表尺寸不一難以準測推算歷  
數用南京日出分秒似相矛盾乞勅禮部會舉洞  
達天人精究理學大臣一員總理其事改鑄銅表  
以考四時日中之景仍乞遣通曉歷學官生赴河  
南陽城察舊立土圭以合今日之晷及山東湖廣  
陝西大名等處分立土圭表以測晷景錯綜參驗定  
爲成法庶幾合朔得真交食不謬詔下所司是年



以南京戶科給事中樂護工部主事華湘通歷法  
俱擢光祿寺少卿管欽天監事嘉靖二年湘言歷  
數之興代有作者曷嘗不廣集衆思期于永久不  
變哉然不數歲而輒差者由天周日周之難齊也  
日之差驗于中星堯冬至昏昴中日在虛七度今  
冬至昏室中日在箕三度計去堯未四千年而差  
者五十度矣授時歷法每歲差一分五十秒至元  
辛巳至今二百四十二年合差三度有奇是以正  
德戊寅日食庚辰月食時刻分秒起復方位類與  
推算迕臣以爲古今善治歷者三家漢太初以鍾

潛菴先生史稿

歷志卷之五

十三

律唐大衍以著策元授時以晷景而晷景爲近其  
所因者本也欲正歷而不登臺測景皆空言臆見  
非事實已伏望許臣暫任朝叅督同中官正周濂  
等及冬至前詣觀象臺晝夜推測日記月書至來  
年冬至以驗二十四氣分至合朔日躔月離黃赤  
二道昏日中星七政四餘之度視元辛巳所測離  
合何如差次錄聞更乞勅禮部延訪有能知歷理  
如揚雄精歷數如邵雍智巧天授如僧一行郭守  
敬其人者徵赴京師令詳定歲差以成一代之制  
下禮部集議而護謂歷不可改與湘所見頗異禮



部因言我朝歷因于元經耶律楚材許衡王恂郭  
守敬諸大儒之手固難議改然推步之法貴隨時  
考驗符合天運今湘欲自行測候用定歲差不爲  
無識請行本監令二臣各盡所見窮極異同以協  
天道從之七年閏十月朔以大統歷推日不食以  
回回歷推日食二分四十七秒已而不食十九年  
三月癸巳朔欽天監言日當食已而不食帝大喜  
曰上天示眷朕知仰承實歷官推步之疎而帝反  
以爲瑞徵也隆慶三年掌監事順天府府丞周相  
刊大統歷法其歷原歷叙古今諸歷異同以爲至

潛菴先生史稿

歷志卷之五

十四

元辛巳至今隆慶已巳計二百八十九年年遠數  
盈歲差天度失今不考差必愈甚苟非精理數善  
測驗者而漫言修改恐推演傳會反失其真不若  
仍舊之爲愈時又有唐順之周述學等前後論歷  
順之善句股弧矢之法嘗言冬至黃赤道有二十  
四度之差而黃道在赤道外所以黃道歲差比赤  
道歲差少一十一秒此斜直之別也又云作歷造  
月道而不造星道蓋未備事也又云太陰第一第  
二加減如母子得子則不用母五星第一第二加  
減如兄弟相併而各致其用述學嘗撰大統萬年



通議其論二至日度盈縮曰赤道當天之腰圍而黃道出入赤道各二十四度則黃道冬至之去南極與夏至之去北極其相距之數均也去極之數既均則其度之歛狹亦同矣冬至日行黃道一度五分則夏至日行黃道亦當一度五分今夏至日行黃道不及一度似乎冬至之度狹而夏至之度濶是豈去極之度不均而歛狹之數有異乎抑冬夏太陽之行真有盈縮之殊乎而非然也蓋天地陰陽之氣有升降而太陽之行亦隨之而有升降故耳自冬至以至於夏至陽之升也自夏至以至

潛菴先生史稿

歷志卷之五

五

於冬至陰之降也人在地中觀其行度則夏至之太陽若在輪廓之表其度濶故日行不及一度謂之縮歷冬至之太陽若在輻輳之間其度狹故日行一度有餘謂之盈歷是日度有盈縮之異乃日道有升降之所致也又論日食時差法曰據午地以論日食如在午前則未及黃白度分相掩而人在地中斜視先已見食及至黃白度分相掩則食過矣如地之偏東者又方見食也故午前日食則見食速而當減其午前分也在午後則黃白度分雖掩而人在地中斜視猶未見食如地之偏西者



或先見食也必俟月行更東地中斜視方能見食  
故午後日食則見食遲而當加其午後分也所以  
立時差分法以加減定朔而爲日食甚定分又議  
回回歷之日度曰其白羊戌宮三十度日行得三  
十一日卽太陽之升而行黃宮之濶度也人馬寅  
宮亦三十度日行二十九日卽太陽之降而行黃  
宮之狹度也其各宮分之日數有多寡卽大統歷  
各黃宮日數之有多寡也又議回回歷之五星緯  
度曰五星合伏之度或於黃近或於黃遠或在黃  
南或在黃北但每同經度而於緯度不易同也若

潛菴先生史稿

歷志  
卷之五

十六

經緯相同則當星黃之交矣交乃星與黃交合乃  
星與日合非一事也餘議歷甚多不具錄萬歷十

二年欽天監奏依大統歷推算本年十一月癸酉  
朔日食九十二秒依回回歷推算不食已而回回  
曆驗禮科給事中侯先春奏自洪武迄今二百二  
十年未嘗改歷年遠數盈漸差天度邇者月食在  
酉而曰戌月食將旣而曰未九分差舛甚矣卽一  
交食而氣朔閏餘躔離朏朧之類盡屬參錯可知  
今宜詔求天下深明歷理者博采羣書隨時考驗  
且該監見有回回歷科其推算日月交食及五星



凌犯最爲精細曩者日食時刻分秒並不差舛祇

以原非大統歷法遂置不用臣以爲授時歷可採

回回歷亦可採取其能令天度而已如果脗合何

妨纂入大統歷中以成一代之制詔曰可二十年

五月甲戌夜月食監官推算差一日二十三年九

月鄭世子載堉進聖壽萬年歷疏畧曰高皇帝革

命之時元歷未久氣朔未差故不改作但討論潤

色而已今則積年既久氣朔漸差後漢志所謂三

百年斗歷改憲者宜在此時我皇上以萬歷爲元

而九年辛巳歲適當斗歷改憲之期又協乾元用

潛菴先生史稿

歷志卷之五

七

九之義歷元正在是矣高皇帝嘗有意考七政之

運行定二統之是否而未遂繼述之盛舉甯不有

待于今日乎臣嘗取大統與授時二歷校之考古

則氣差三日推今則時差九刻且萬歷辛巳歲十

一月冬至大統在丁丑而授時在丙子乙酉歲冬

至大統在戊戌而授時在丁酉是皆相差一日夫

節氣差天一日則置閏差天一月閏差一月則時

差一季時差一季則歲差一年其所差者豈小小

而已哉臣又推萬歷一百年冬至二歷相差十餘

刻一千年冬至二歷相差二日一萬年冬至二歷





相差百餘日或以爲授時減分太峻失之先天大  
統不減失之後天或謂授時近審大統爲疎或謂  
授時未必全是二歷強弱之間宜有所折衷於是  
仰體太祖二統難憑之意和會二家酌取中數以  
成新歷更採衆說所長輯爲一書名曰律歷融通  
大旨出于許衡而與衡歷不同後漢志曰陰陽和  
則景至律氣應則灰除是故天子常以日冬夏至  
御前殿合八能之士陳八音聽樂均度暑景候鍾  
律權土灰放陰陽效則和否則占晉志曰日冬至  
音比林鍾浸以濁日夏至音比黃鍾浸以清十二

潛菴先生史稿

歷志  
卷之五

六

律應二十四氣之變其爲音也一律而生五音十  
二律而爲六十音因而六之六六三十六故三百  
六十音以當一歲之日故律歷之數天地之道也  
夫黃鍾乃律歷本原而舊歷罕言之新法則以步  
律呂爻象爲首此與舊歷不同一也堯時冬至日  
躔所在宿次劉宋何承天以歲差及中星考之應  
在須女十度左右唐一行大衍歷議曰劉炫推堯  
時日在虛危間則夏至火已過中虞劓推堯時日  
在斗牛間則冬至昴尚未中蓋堯時日在女虛間  
則春分昏張一度中秋分虛九度中冬至胃二度



中昴距星直午正之東十二度夏至尾十一度中心後星直午正之西十二度四序進退不逾午正間軌漏使然也元人歷議亦云堯時冬至日在女虛之交而授時歷考之乃在牛宿二度是與虞廟同大統歷考之乃在危宿一度是與劉炫同相差二十六度皆不與堯典合新法上考堯元年甲辰歲夏至午中日在柳宿十二度左右冬至午中日在女宿十度左右心昴昏中各去午正不逾半次與承天一行二家之說合而與舊歷不同二也春秋左傳昭公二十年己丑日南至授時曆推之得

潛菴先生史稿

歷志卷之五

十九

戊子先左傳二日大統歷推之得壬辰後左傳三日新法推之與左傳合此與舊歷不同三也授時歷以至元十八年爲元大統歷以洪武十七年爲元新法則以萬歷九年爲歷元其餘各條不同者多詳見歷議望勅部會集大臣各儒叅訂採用以成一代之制其法首曰步發斂取嘉靖甲寅歲爲歷元元紀四千五百六十暮實千四百六十一節氣歲差一秒七十五忽歲周氣策無定率各隨歲差求而用之律應五十五日六十刻八十九分律總旬周六十日次日步朔閏朔策二十九日五十



三刻五分九十三秒望策十四日七十六刻五十二分九十六秒半弦策七日三十八刻二十六分四十八秒少閏應十九日三十六刻十九分次日步日躔日平行一度躔周三百六十五度二十五分躔中百八十二度六十二分半象策九十一度三十六分二十五秒半象策四十五度六十五分六十二秒半辰策三十度四十三分七十五秒半辰策十五度二十一分八十七秒半赤道歲差一分五十九秒黃道歲差一分三十八秒盈初縮末限八十八日九十一刻縮初盈末限九十三日七十

潛菴先生史稿

歷志卷之五

三

一刻周應二百八十三度三十二分三十九秒次日步晷漏京師北極出地四十度太冬至中晷恒數丈五尺九寸六分夏至中晷恒數二尺三寸四分冬至晷夏至夜三十八刻夏至晷冬至夜六十二刻次日步月離月平行十三度三十六分八十七秒半離周三百三十六限十六分六十秒離中百六十八限八分三十秒離象八十四限四分十五秒轉周二十七度五十五刻四十六分轉中十三日七十七刻七十三分轉象六日八十八刻八十六分半轉差一日九十七刻六十分轉應七日



五十刻三十四分次日步交道正交三百六十三  
度七十九分三十四秒中交百八十一度八十九  
分六十七秒距交十四度六十六分六十六秒交  
周二十七日二十一刻二十二分二十四秒交中  
十三日六十刻六十一分十二秒交差二日三十  
一刻八十三分六十九秒交應二十日四十七刻  
三十四分次日步交食日食交外限六度定法六  
十一日食交內限八度定法八十一月食限十三  
度五分定法八十七次日步五緯合應土星二百  
六十二日三千二十六分木星三百一十日一千

潛菴先生史稿

歷志  
卷之五

三

八百三十七分火星三百四十三日五千一百七  
十六分金星二百三日八千三百四十七分水星  
九十一日七千六百二十八分周率土星三百七  
十八日九百一十六分木星三百九十八日八千  
八百分火星七百七十九日九千二百九十分金  
星五百八十三日九千二十六分水星一百一十  
五日八千七百六十分歷應土星八千六百四日  
五千三百三十八分木星四千一十八日六千七  
十三分火星三百一十四日四十九分金星六十  
日一千九百七十五分水星二百五十三日七千



四百九十七分度率土星二十九日四千二百五十五分木星十一日八千五百八十二分火星一日八千八百七分半金星一日水星一日伏見土星十八度木星十三度火星十九度金星十度半水星夕伏晨見十九度晨伏夕見十六度半又取歷代國史所志歷五十家按所距年各以其術推當時及近歲之冬至復取新率上考與相參得古歷下推皆後天惟統天授時與天合而新率上推則合者三十有六以爲歷法最後最密之驗又取魯僖公五年丙寅歲正月至洪武十六年癸亥歲

潛菴先生史稿

歷志卷之五

三

十一月二千三十八年之間傳志所載二至晷景凡六十事用太初大衍紀元授時大統五歷及新法考之惟授時合者四十八新法合者四十九餘皆疎又取漢武帝元光元年丁未歲至陳宣帝太建八年丙申歲七百餘年間史志原載日月食分加時起復方位有據者數事以元儒舊法併新法考之仍取萬曆甲午己後日月交食亦各數事校其異同往則稽於史來則驗於天以校二法之疎密其隋唐後未及千年不足校疎密者畧之其議

歲餘也曰歷家所謂歲差者有三曰日躔歲差曰



五星歲差日節氣歲差前代諸歷但有日躔差五星差其節氣差則自統天授時二家始焉夫陰陽消長之理以漸而積未有不從秒起便至分者授時歷於百年之際頓加一分考古冬至雖或偶中揆之於理實有未然假如春秋魯隱公三年辛酉歲下距至元辛巳二千年以授時本算法之於歲實當加二十分得庚午日六刻爲其年天正冬至次年壬戌歲下距至元辛巳一千九百九十九年本法當加十九分得乙亥日五十分四十四分爲其年天正冬至兩冬至相減得相距三百六十五

潛菴先生史稿

歷志卷之五

三

日四十四刻四十四分則是歲餘九分日之四非四分日之一也歷法之謬莫甚於此新法以其差率不均稍訂正之設若每年增損二秒推而止之則失昭公巳丑假如每年增損一秒或一秒半則失僖公辛亥今酌取中數每年增損一秒有奇則兩得之矣其法置定距自相乘七因八歸所得百兩得之爲分命曰歲差其議曰躔也曰古歷緒餘見於經典灼然可考莫如日躔及中星焉而推步家鮮有達者穿鑿紛紜至今未定蓋由不知夏時之與周正異也大抵夏歷以節氣爲主周歷以中氣



爲主何承天以正月甲子夜半合朔爲上元進垂  
夏朔退非周正故近代推月令小正者皆不與古  
合嘗以新法歲差上考堯典中星則所謂四仲月  
蓋自節氣之始至於中氣之終三十日內之中星  
耳後世執著於二分二至是亦誤矣禮記註疏曰  
月令昏明中星皆大畧而言不與歷正同但在一  
月之內有中者卽得載之所以昏明之星不可正  
以歷法但舉大畧耳此說得之漢志曰元封七年  
十一月甲子朔旦冬至日月在建星又日在牽牛  
之初宋祁曰建星在斗後十三度在牛前十一度

潛菴先生史稿

歷志卷之五

五

是太初所測亦止得其大畧耳大衍歷議謂四分  
歷冬至後天三日日必先天三度故當時以爲日  
在斗二十一度以今密率考之實在斗十七八度  
之間而已劉宋之世何承天以爲日應在斗十三  
四度祖冲之以爲在斗十一度是亦未有定說唐  
一行曰日之所在難知漢世課昏明中星爲法已  
淺今候夜半中星以求日衡近於得密而水有清  
濁壺有增減或積塵所擁故漏有遲疾臣等頻夜  
候中星而前後相差或至三度大率冬至遠不過  
斗十四度近不出十度以此觀之一行所測蓋亦



未爲密也按東晉以前未有歲差之說自虞喜始覺其差故創立歲差術歷雖不傳其法可考也且如推堯元年冬至日躔宿度諸家所見亦各不同虞喜以爲在危何承天謂在須女十度左右劉孝孫以爲在危一劉焯以爲在虛六大宿在虛一紀元在虛六至授時歷上考往古每百年歲周長一分天周消一分堯距至元三千六百餘年依本法歲周當爲三百六十五萬二千四百六十一分天周當爲三百六十五萬二千五百三十九分如是推之則堯時日在牛二大統歷不用消長之術則

潛菴先生史稿

歷志卷之五

三五

當在危一有奇二歷相差二十六度其推冬至之日及有閏無閏亦各不同四仲中星各隨日躔而異諸家所見互有異同竊以爲承天一行二家之說蓋近之矣其議晷景也曰自漢太初至於劉宋元嘉上下數百年間冬至皆後天三日何承天立表測景始知其誤然則觀天地之高遠在陰陽之消長以正位辨方定時考閏莫近乎圭表而推步晷景乃治歷之要也元許衡等造授時歷亦憑晷景爲本而於歷經不載推步晷景之術是爲缺畧今以晷景名篇蓋補大統之缺也唐一行日日行



有南北晷漏有長短然二十四氣晷差疾徐不同者句股使然也直規中則差遲與句股數齊則差急隨辰極高下不同如黃道漏刻此乃數之淺者近代且猶未曉按自大衍而後各家步晷之術雖異大槩不過以距二至日分自乘爲實增損定率或乘除加減二至恒晷爲所求晷而已今用北極出地度數兼弧矢句股二術以求之庶盡其原又隨地形高下立差以盡變前此所未有也又曰南至晷景見於經傳者惟僖公五年昭公二十年二條而已餘或見於春秋命歷序等讖緯之書卽漢

潛菴先生史稿

歷志卷之五

三

隋志所引者今皆未敢以爲據授時歷議據前漢志魯獻公十五年戊寅歲正月甲寅朔且冬至引用爲首夫獻公十五年下距隱公元年己未歲百六十一年其非春秋時明矣而元志乃云自春秋獻公以來又云昭公冬至乃日度先行之驗誤矣夫獻公甲寅冬至別無所據惟劉歆三統歷是據也豈左傳不足信而歆乃可信乎太初元年冬至在辛酉歆乃以爲甲子差天三日尚不能知而能逆知上下數百載乎故凡春秋前後千載之間氣朔交食長歷大衍所推近是劉歆班固所說全非



也又曰大衍歷議謂宋元嘉十三年十一月甲戌  
景長爲日度變行授時歷議亦云竊以爲過矣苟  
日度失行當如歲差漸漸而移今歲旣已不合來  
歲豈能復合耶蓋前人所測或未密耳夫冬至之  
景一丈有餘表高晷長則景虛而淡欲就虛景之  
中考其真實或設望筒或置副表景符之類以求  
實景然望筒或一低昂副表景符或一前卻所據  
之表或稍有傾欹圭面或稍有斜側兼以測景之  
人工拙不同用意詳畧亦異二至前後數日之景  
進退只在毫釐之間優侏之際要亦難辨夫陽城  
潛菴先生史稿

歷志  
卷之五

三

岳臺畧分南北尚有不同况於四海九服之遠相  
去千百餘里委託之人未知當否旣非目擊其實  
所報畧景甯足信乎其議漏刻也曰日月帶食出  
入五星晨昏伏見歷家設法悉因晷漏爲準而晷  
漏則隨地勢南北辰極高下爲異焉元人都燕其  
授時曆七曜出沒之早晏四時晝夜之永短皆準  
大都晷漏國初都金陵故大統歷出入之時刻及  
晝夜之消長改從南京晷漏大統夏至晝冬至夜  
皆五十九刻冬至晝夏至夜皆四十一刻授時夏  
至晝冬至夜皆六十二刻冬至晝夏至夜皆二十



八刻相差三刻有奇今推交食分秒南北東西等  
差及五星定伏定見皆因元人舊法而獨改其漏  
刻是以互相舛誤也且元統改歷之時未能預知  
成祖遷都之事故不得不以南監觀星臺測驗爲  
準永樂以後自當宗法北監測驗所以大一統而  
尊帝都也故新法晷漏始從元曆所推爲其與今  
京師晷刻相合也其議日食也曰日道與月道相  
交處有二若正會于交則月體障盡日體謂之食  
既若但在交前後而度相近者亦食而不既月行  
交外食偏南月行交內食偏北近於交際食分多

潛菴先生史稿

歷志  
卷之五

三

遠於交際食分少天之交限此大率也又有人之  
交限舊云假令中國食既戴日之下所虧纔半化  
外反觀則交而不食化外食既戴日之下所虧纔  
半中國反觀則交而不食何則日如大赤九月如  
小黑丸共懸一線日上而月下卽其下正望之黑  
丸必掩赤丸似食之既及旁觀有遠近之差則食  
數有多寡矣春分已後日行赤道北畔交外偏多  
交內偏少秋分已後日行赤道南畔交外偏少交  
內偏多是故有南北差冬至已後日行黃道東畔  
午前偏多午後偏少夏至已後日行黃道西畔午



前偏少年後偏多是故有東西差日中仰視則高  
且暮平視則低是故有距午差食於中前見早食  
於中後見遲是故有時差凡此諸差惟日有之月  
則無也正德九年八月辛卯朔日食大統歷推之  
合食八分六十七秒而闔廣之區遂至食既彼處  
言官以歷不效爲言然京師所觀止食八九分耳  
故推交食惟日頗難蓋宇宙之廣未可以一術齊  
欲推九服之變必各據其處考晷景之短長揆辰  
極之高下順天求合與地偕變增損其法而後準  
也歷經推定之數徒以中國所見者言之耳舊云

潛菴先生史稿

歷志卷之五

三

月行內道在黃道之北食多有驗月行外道在黃  
道之南雖遇正交無由掩映食多不驗又云天之  
交限雖係內道若在人之外類同外道日  
亦不食此說似矣而未盡也假若夏至前後日食  
於寅卯酉戌之間人向東北西北而觀之則外道  
食分反多於內道矣此前賢所未發而舊歷所未  
及也其議月食也曰暗虛者景也景之蔽月無早  
晚高卑之異亦無四時九服之殊譬如懸一黑丸  
於暗室其左燃燭其右懸一白丸若燭光爲黑丸  
所蔽則白丸不受其光矣人在四旁視之所見無



不同也故月食無時差之說自紀元歷安立時差  
金大定歷因之元儒格物窮理而亦爲其所惑若  
授時歷月食求時差者誤矣新法不用時差直以  
定望加時便爲食甚時刻其議五緯也曰古法推  
步五緯不知有變數之加減北齊張子信仰觀歲  
久知五緯有盈縮之變當加減以求其逐日之躔  
蓋五緯不由黃道亦不由月所行道而出入黃道  
內外各自有其道視日遠近爲遲疾其變數之加  
減如里路之徑直斜曲也宋人有曰古今歷法五  
星行度惟留退之際最多差自內而進者其退必

潛菴先生史稿

歷志  
卷之五

三

向外自外而進者其退必由內其跡如循柳葉兩  
未銳於中間往還之道相去甚遠故星行兩未成  
度稍遲以其斜行故也中間成度稍速以其徑絕  
故也歷家但知行度有遲速不知道徑又有斜直  
之異前代修歷多止增損舊法而已未嘗實考天  
度其法須測驗每夜昏曉夜半月及五星所在度  
秒置簿錄之滿五年其間剔去雲陰及晝見日數  
外可得三年實行然後可以算術綴之昔蔡邕上  
書云願匍匐於渾儀之下按度考數著於篇章以  
成一代盛典夫古人何不飽煖自逸而願爲此辛



苦事者懼抱藝而長終惜絕傳於來世欲伸葵藿  
之忱邊恤出位之罪哉章下禮部尚書范謙覆奏  
以大統歷造自太祖行之二百餘年一旦更新其  
名既失創法至意又駭中外聽聞且考元志至元  
四年西域札馬魯丁撰進萬年歷則萬年歷名元  
已有之不便襲用至歲差之法上古無聞漢洛下  
閎始知有差晉虞喜始立差法自後代有差法之  
議竟無畫一之規所以求之者大約有三曰考月  
令之中星移次應節曰測二至之日景長短應候  
曰驗交食之分秒起復應時考以衡管測以臬表

潛菴先生史稿

歷志  
卷之五

三

驗以漏刻斯亦侷得之矣夫天體至廣歷家以周  
天三百六十五度四分度之二而紀日月星辰之  
行次又析一度爲百分一分爲百秒可謂密矣然  
渾象之體徑僅數尺外布三百六十五度四分度  
之一每不及指許安所置分秒哉至於臬表之樹  
不過數尺刻漏之籌不越數寸以天之高且廣也  
而以徑尺寸之物求之欲其纖微不爽不亦難乎  
故方其差在分秒之間無可驗者至踰一度乃可  
以管窺耳此所以窮古今之智巧不能盡其變數  
今之談歷者或得其算而無測驗之具卽有具而



置非其地則亦無準宜非墨守者之所能自信也  
卽如世子言以大統授時二歷相校考古則氣差  
三日推今則時差九刻夫時差九刻在亥子之間  
則移一日在晦朔之交則移一月此可驗之於近  
也設移而前則生明在二日之昏設移而後則生  
明在四日之夕矣弦望亦宜各差一日今似未至  
此也載增議遂格不行

潛菴先生史稿

歷志  
卷之五

三



